

湖南通志



湖南通志卷五十五

食貨志一 積儲

順治十二年題準各衙門自理贖銀春夏積銀秋冬積穀悉入  
常平倉備賑置簿登報布政司彙報督撫歲底造報戶部如有  
假公潤私隱匿漏報者督撫查參其鄉紳富民樂輸者地方官  
多方鼓勵勿勒定數勿使胥吏侵尅及加耗滋弊 十三年議  
準積穀振濟務令修葺倉廩印烙倉斛選擇倉書糴糶平價不  
許別項動支 十七年議準常平穀春夏出糶秋冬糶還平價  
生息務期便民如遇凶荒卽案數給散災戶貧民飭有司實力  
奉行

康熙十八年題準地方官整理常平倉每歲秋收勸諭官紳士民捐輸米穀照例議敘鄉邨立社倉鎮店立義倉捐輸積儲公舉本鄉敦重善良之人管理出陳入新春月借貸秋冬償還每石取息一斗歲底州縣將數目呈詳上司報部管倉人儲穀多者題明給頂戴榮身有官吏掊克者照侵欺錢糧例處分有強派抑勒借端擾民者該督撫題參治罪 十九年覆準直省常平倉穀畱本城備振義社倉穀畱本邨備振永停協解外郡三十年議準各省常平倉照直隸分儲各州縣有陞遷事故離任者照交代收受正項錢糧例取具印結有短少者該督撫題參照虧空正項錢糧議處 三十四年議準令直省各督撫飭

各州縣衛所官員勸諭鄉紳士民人等每歲收穫各戶量力所  
能不論幾石幾斗捐輸積儲若將米麥貸於乏穀之人俟收穫  
時卽照原領米麥之數交納如有不肖官員抑勒多收情弊事  
發卽照私派錢糧處分每歲收穫時卽俱照此遵行 三十六  
年覆準湖廣三十五年分各官捐輸穀石存各屬倉廩備賑  
四十一年議準設立社倉於本鄉捐出卽儲本鄉令本鄉誠實  
之人經管上歲加謹收儲中歲糶借易新下歲量口發賑 四  
十三年議準各省府州縣積儲米穀大州縣存一萬石中州縣  
八千石小州縣六千石餘案時價易銀解存藩庫其存倉穀石  
每年以三分之一出陳易新 四十六年覆準州縣虧空倉穀

知府隱匿分賠賠完府縣一體復職 四十七年議準州縣官於額儲積穀之外買穀儲倉照盤查贏餘之例準其議敘或州縣官捐穀本管倉內捐少報多或將現儲之米擅作捐輸以邀議敘後本官任內復有虧空事發除知府照例分賠外原報贏餘之督撫一竝議處 又議準職官將倉穀私借與民合依監臨主守將官錢糧私借與人者計贓以監守自盜論係雜犯準徒五年律不準折贖所少穀石仍著落本官追賠 四十九年議準霉爛倉糧官員已經陞任應革職畱於新任限一年賠完之日開復 又議準湖南鎮筸地方僻處苗疆改協爲鎮移駐道廳兵民日增歲歉恐食不敷撥司庫銀三千兩買穀備儲

五十四年議準直省社倉勸諭之例富民能捐穀五石者免本  
身一年雜派差役有捐一倍二倍者照數案年遞免至紳衿若  
能捐穀四十石令州縣給扁捐穀六十石令知府給扁捐穀八  
十石令本管道給扁捐穀二百石者督撫給扁其富民好義比  
紳衿多捐二十石者亦照紳衿例次第給扁捐至二百五十石  
者咨明吏部給與義民頂戴照未入流品服榮身凡給扁民家  
永免差役 六十年議準各省州縣現在存倉米麥穀石令該  
督撫嚴查如有虧空者勒限補足務期實儲以備賑濟儻有賑  
濟之時其存倉穀石虧空事發將地方有司官員卽行革職治  
罪暨不行稽查之上司一并嚴加議處

雍正元年議準常平倉積儲米穀雖有知府司道盤查管理不能保其一無徇私當責之督撫核實嚴查造冊具奏督撫陞轉離任將冊籍交代新督撫限三箇月查奏如有虧空卽行題參新任督撫不行據實參出後經發覺一并照例議處仍令分賠

二年覆準社倉之法原以勸善興仁該地方官務須開誠勸諭不得苛派以滋煩擾至收儲米石先於公所寺院收存俟息米已多成造倉廩收儲設立簿冊逐一登明其所捐之數不拘升斗積少成多若有奉公樂善捐至十石以上給以花紅三十石以上獎以扁額五十石以上遞加獎勵其有好善不倦年久數多捐至三四百石者該督撫奏給八品頂戴每社設立正副



社長擇端方立品家道殷實者二人果能出納有法鄉里推服  
令案年給獎如果十年無過該督撫題請給以八品頂戴徇縱  
者卽行革懲侵蝕者案律治罪其收息之多寡每石收息二斗  
小歉減息一斗大歉全免其息祇收本穀至十年息已二倍於  
本祇以加一行息其出人之斗斛照部頒斗斛公平較量社長  
預於四月上旬申報地方官依例給貸定日支散十月上旬申  
報依例受納兩平較量不得抑勒多收臨放時願借者先報社  
長州縣計口給發交納時社長先行示期依限完納其冊籍之  
登記一社設立用印官簿一樣二本一本社長收執一本繳州  
縣存查登記數目毋得互異其存縣一本夏則五月申繳至秋

領出冬則十月申繳至來春領出不許遲延以滋弊竇每次事畢後該地方官各將總數申報上司如有地方官抑勒那借強行糶賣侵蝕等事許社長呈告上司據實題參 三年議定湖南湖北四川江西四省存倉米石皆在五萬石內外令一年內改換稻穀飭各地方官添造倉廩以備收儲 又議準州縣倉糧凡遇出陳易新之時令佐貳官公同收放如州縣私自糶賣佐貳不據實通報扶同隱匿一并議處 又覆準社倉預造排門冊將姓名年貌住址以及官紳士庶商賈逐一註明送官用印存案日後借貸悉以此爲準游手好閒者不許借貸於正副倉長外再公舉一身家殷實者總司其事令其不時查察如有

欺隱令其賠償果能使倉儲充物題請準給恩典以示鼓勵此  
項積儲如有官員抑勒那借許社長呈告上司據實題參其所  
需一切紙張筆墨以及人工飯食或行勸諭或撥罰項以充其  
用不得濫行科歛致滋擾累至積米既多於夏秋之交平糶秋  
成照時價採買還倉 又覆準州縣虧空倉穀令接任官於秋  
成穀賤之時申覆督撫藩司酌動錢糧照時價先行買補該州  
縣出具倉收該管道府加具印結一面報部一面於虧空人員  
名下勒限一年將動用銀兩照數追補如逾限不完照侵那倉  
穀定例治罪仍著將本人家產變易還項 又覆準江安閩浙  
湖廣江西四川兩廣雲貴十省所存米石俟收穀既完之後每

年額徵應給兵糧仍收米石餘悉改徵稻穀各省均照此例其有虧空倉米者亦令悉以稻穀追補還項凡有需用挨年先碾舊穀支給儻需用米多一時礱碾不及應給米一石者給穀二石 四年議準嗣後各省常平倉每年春間借出穀石秋收後勒限徵比務於十月底照數完納造具冊收送部歲底令知府直隸知州親往盤查其府州倉穀責令該管道員盤查出具印結申報如逾限不完或捏造冊收卽行揭參議處在該員名下照數追賠仍令欠戶照數完納如係頑紳劣衿奸牙積蠹將佃戶家人姓名影射每名借穀四五斗零星領出入已積至二三十石者其紳衿卽行黜革所欠穀石亦令加倍追還枷責治罪

其代爲造冊之鄉保地方嚴審有無受贓分別治罪如該管上司不行揭參照徇庇例議處再倉穀出糶之時不無奸商勢豪串通牙蠹捏名影射零星糶出囤積射利地方官若不嚴行查禁該督撫卽行指名題參照溺職例議處或有不肖州縣以糶借爲名掩飾虧空該督撫卽行指名揭參嚴審是侵是那分別治罪該管道府直隸知州有不時盤查之責如有徇庇隱匿卽題參照例議處將所虧倉穀著落分賠如道府直隸知州已經揭報而督撫不行題參者將督撫亦照徇庇例議處所虧倉穀亦照例分賠 又議準湖廣鹽商捐買穀銀一萬兩令湖北分買穀價銀六萬兩湖南分買穀價銀四萬兩分發各府飭令

就近採買存儲

乾隆十三年議準直省常平倉儲康熙年間或未經定額或定額無多檔冊不全難以稽考請照雍正年間作爲定額內惟雲南甘肅二省地處極邊兼備軍糈雍正年間倉儲多寡無定應以乾隆年間所定之額爲準令各省督撫按所屬大小均勻存儲其間有轉運之難易出產之多寡地方之緊要以及提鎮駐劄處所并各省犬牙相錯之處彼此可以協濟者均應分別加儲定額後各該督撫據現存并出借平糶應買各數目較之現定之額通盤核算如溢額卽將溢額穀石及出借徵還餘賸穀石以次出糶報部其現在溢額糶價提儲司庫報部酌撥或額

內出借穀石一時不能催交齊全而該處豐收價平卽於此項糶價銀內奏明酌畱買補再額內不足省分實在穀石溢額之處無多均應以收捐本色漸次補足至於存糶之法定例存七糶三然風土有燥溼年歲有豐歉價值有貴賤地方有衝僻各省情形不同辦理亦量爲增減其每年平糶之穀例於秋後原價買補然價平則買價貴則停總在地方大吏因時因地妥酌奏辦使倉儲有充裕而閭閻無食貴之虞再收捐監穀原所以實倉儲而備荒歉各省現在俊秀報捐在外收捐本色在內收捐折色除不敷定額省分仍以收捐補足外其額外有餘各省所收本色應令另案存儲遇有賑卹卽於此內撥用或平糶穀

石不能買補卽將此項穀石撥抵所存糶價造報酌撥是動用可無需採買而緩急仍不患無資於民食儲備兩有裨益計湖南省照雍正年間定額儲穀七十萬二千一百三十三石零現在實存穀一百二十五萬六千四百一十四石零共溢額穀五十五萬四千二百八十一石零又借穀五萬九千三百六石零出糶穀二十一萬八千六百八十石零存價銀一十一萬八千九百二十五兩將現存糶價提解司庫造報酌撥溢額穀石并出借催還穀石以次出糶報部 又覆準於溢額穀內撥出三十萬石以備鄰省告糶之用酌撥後無庸買補 二十年巡撫陳宏謀奏準湖南常平額穀歷年止供平糶原不出借四鄉農



民專望借領社穀接濟春耕計通省社穀已積有四十三萬二千餘石每州縣多者在一二萬石以上其餘自數千石以至數百石不等去冬因江浙搬運過多米糧日漸昂貴誠恐入春更甚一面委員分查積欠乘其秋收未久及早催追一面出示曉諭一屆春耕先將社穀儘數出借另定規條刊刻分布俾官紳士民均知社穀之易於借還年年可以接濟寫遠者爲之分社令其就近借還隨勸諭陸續捐輸湖南產米之鄉第能經理得人借還有法息又生息湖南社穀不患不日加充裕也惟是社穀太少之處不敷出借今擬於止有社穀一二三百石之乾州永綏二廳華容永定二縣借撥常平倉穀八百石止有五六七

百石之永順保靖桑植慈利四縣借撥常平倉穀五百石各於本處倉內撥作社本同現有社穀一體出借接濟民食計共撥常平倉穀五千三百石年年生息數年之後社本漸充仍卽歸還常平不致虧缺於接濟更爲得力仍每年於奏銷冊內登明報部查核 四十六年巡撫劉墉奏準各省社倉積儲協濟常平例於秋成收穫之後勸諭捐輸春借秋還收息歸倉歷來遵行在案查湖南社倉本息共存五十九萬一千一百餘石自乾隆二十二年以後未經增捐去歲湖南通省豐收而下游浙江地方亦俱豐稔穀價不昂當與司道各官公同籌畫先令長沙善化瀏陽醴陵湘潭益陽甯鄉湘鄉攸縣茶陵衡陽清泉衡山

零陵祁陽邵陽郴州靖州慈利桂陽二十州縣循例輸捐隨經各屬報到共捐至十六萬現在陸續歸倉另立倉房新選社長與舊穀分別各儲以便稽查今年秋收之後仍陸續飭辦至於舊存之穀除本穀謹儲備借外所有歷年息穀積儲較多之處照安徽江西福建等省之例悉變價存司以爲民田水利及隨時撫卹之用候青黃不接民情望糴卽分晰年款核定糴價飭屬辦理

嘉慶五年議準查例載直省社倉每社設立長副各一人選擇品行端方家道殷實之人充當一切出納事宜責成經營三年更換無弊許同社公保再畱三年等語又例載江蘇省社長一

年一換於一社中擇殷實公正者數人輪流充當查以上社長副三年一年更換之處例載既有參差期限不無拘泥從前官爲經理或不免藉端擾累小民不願充當定期更換尙屬有因今積儲出納一切由民百姓自無累苦若經理不善原許同社另擇妥人呈官更換如果得人社中方受其益何必刻期紛更況一社之中選擇品行端方又須家道殷實殊非易事儻更換者不如原辦之人反於社中無益有損是三年一年更換之例實覺拘而難通查雍正二年九卿議定社倉事目內開正副社長每鄉務擇立品端方家道殷實者二人經管出納一年無過給以花紅三年無過獎以扁額五年免一身差役十年免一家

該撫題請給以八品頂戴如有不善經理致滋弊端者卽行革  
懲侵蝕者以監守自盜例治罪所少穀石著令賠還等語細繹  
例意實爲允協除公舉社長副時止令呈官存案如辦理妥善  
照例給予獎賞及免差役如有侵蝕等弊一經鄉民告發照例  
治罪其有經理不善仍聽同社自擇安人請換毋許官吏指名  
充補及藉端爲難違者察出究辦外所有社長副管理年分及  
勸懲條規應遵照雍正二年九鄉所定社倉事目畫一辦理將  
則例續改三年一年更換參差未協之處悉行刪除仍歸舊例  
通行各省一體遵照 六年議準查社倉一項向係官爲經理  
遇有應修之處定例於息穀內酌量動支歲底造冊報銷惟是

各省社倉出納穀石業歸社長經理其息穀糶變自應歸社長一手出糶若修理社倉仍由地方官勘估興修恐不肖官吏浮冒開銷勢所不免嗣後各省社倉如有應須修葺者卽由同社鄉民報明社長公同勘估修理在於息穀項下糶變具結報官存案毋庸官爲經理以免胥役從中滋弊如社長辦理不善或有侵蝕之處許同社之人公同報官究辦俟修竣之日仍將用過工料銀兩并糶變穀石數目造冊呈明地方官歲底造冊申詳督撫存案毋庸報部核銷以歸簡便 十年覆準苗疆均屯經久章程八條內載鳳凰廳練勇一千名於各廳縣均出田內分撥田一萬八千畝召佃收租每年約收穀一萬八千石除歲

給練勇口糧七千二百石外尙餘穀一萬八百石變價支給鹽菜又餘田九千四百畝每年約收穀九千四百石變價充公除屯弁應行支給外餘皆存儲屯倉爲歲修工程等項之用又載清查苗繳叛產共收田土三萬二千餘畝撥給良苗佃耕豐稔之年可收穀二萬二千餘石除歲給苗兵口糧一萬八千石外尙餘穀四千餘石存儲苗倉以備撥補并加給苗兵閏月口糧之用十二年覆準均屯未盡事宜七條內載苗疆廳縣墾土一萬餘畝每年約收雜糧三千餘石遇有屯田被水衝沙壓卽變價爲開修工本并接濟丁佃口糧如是年并無衝刷卽歸餘田租穀項下充公支用又撥官贖田三千七百畝每年約收穀

三千七百石爲各廳縣書院及屯苗義學束脩膏火之用又撥官贖田三千畝每年約收穀三千石爲加給練勇鹽菜并百總等例馬草料及製備旗幟等項之用又撥官贖田四千畝每年約收穀四千石爲屯防經費不敷之用以上各項穀石均存儲屯倉變價勅支又載苗弁呈出已業及各寨苗人呈出爭佔田土共七千餘畝仍令苗人佃種每年約收稻穀雜糧五千餘石卽於原設苗兵五千名內挑出搜捕勇往不習耕作者一千名歲給口糧三千六百石其餘一千四百石存儲苗倉隨時變價製備火藥軍裝之用

附舊志載原議社倉規條二十一則 一社穀原備農民籽種



耕田之家無論佃田自田凡無力者皆許借領一切貿易及不  
耕之民概不準借矜監衙役兵丁之家有務農者仍準親屬出  
名借給如係有力亦不準借 一借穀應觀其耕田及戶口多  
寡或數斗或一石每戶多者不過二石每戶借穀必需本地有  
業者或三人四人公保有殷實者一二人亦可作保殷實田主  
保佃戶則一人許保數戶領內實填保人姓名同赴社長處認  
明方準借給將來負欠先比欠戶欠戶無著著落保人代還雖  
係社長可信之戚好亦須有保方借如無保人社長不得濫借  
不許借穀之人連環互保將來難於代還 一每年正月內開  
印前後官將眾社長傳到面加款待諄切開諭勸導面給印簿

二本出借時社長將逐戶姓名借數及保人填於印簿俟借畢於簿內結一總數一本繳官一本同借領存社長處其出借遲早聽社長就地酌定一面報官一面出借官不爲拘亦不候官批示領狀由州縣酌定式樣畫一示遵 一印簿上填明某處某社社長姓名社穀總數并應借此社之邨莊名目然後逐頁鈐印記明頁數借畢繳官核明總散數目相符即可存案不許胥吏吹求苛駁需索陋規 一官有借穀印簿簿內載有戶名穀數保人姓名官遇查勘公出攜帶印簿經過邨莊隨去抽問當堂審事比較亦將印簿置於案頭隨便抽問如有姓名數目不符即可令社長回覆則社長有無虛捏不能掩飾不必逐戶

列示致滋繁瀆不可責成鄉保耽代總保又啟鄉保包借之弊  
鄉保止許爲人作保不許總領總借官不得再簽倉差專管某  
社致滋通邑包借索取規例 一社倉斛斗官須驗明印烙每  
倉俱有漕斛官斗不得大小參差前已驗明畫一者不必更張  
其每石收息一斗以三升爲社長折耗鋪倉等費以七升歸倉  
作本出借悉照舊例遵行其看倉夫口食候部覆遵行 一地  
方有勢棍刁徒不應借之人強借多借及無保人而強借者許  
社長稟官官卽飭示年借穀未還者次年不許再借寧可今  
冬還倉次春再借官替換借領釀成流抵虧空有挾制強借  
不遂而誣陷阻撓者立卽審明枷號倉前示眾 一今年所收

之息下年卽作社本統計實儲在倉之穀存半借半無人赴借者不必強借足數有借半不敷者稟明地方官一面酌量多借一面通報亦不必俟示方借有稟請全不出借官須查明以防侵虧及暗借準利等弊 一社長乃主持一社出入之人任勞任怨利濟鄉里實屬義舉迥非鄉約練長可比無論紳衿士耆官宜敦請委任更當倍加禮貌雖係平民免其雜差見官免跪平日逞強滋事之人不可濫充社長三年無過詳明上司另行分別給獎社長專司社穀出入選充之後官給執照戳記凡有稟官之事用戳投衙免其僕僕往返凡更換社長將舊照舊戳條規繳官身給新照戳記條規責成交代接受以杜新舊牽混

推卸攙越等弊其更換或一年或二年三年或輪充官司因地  
因時因人酌行不爲限制社長中有侵冒不法者查明立即革  
究更換著追發給執照戳記不得需索規禮 一各倉儲穀過  
多則借穀之邨必有寫遠不便者殊非隨處接濟之意且穀多  
人眾社長責任太重亦難經理今酌定每倉至多不過四五百  
石有應分倉者卽於適中之地酌令建倉并將某邨應借新倉  
某邨仍借舊倉斟酌指定一面具詳一面曉諭新倉借穀之戶  
仍赴舊倉借穀秋收就近還於新倉一年借領未竟令下年再  
赴舊倉借領如此則官省搬運之費而邨民長得近借自皆樂  
從也凡某鄉里士所捐之穀永供某鄉里出借不得移於別鄉

里有虛捐穀者周濟鄉里之意 一新分之社尙無倉間或暫借閒房祠堂或於寺觀收拾一二門或造木板倉暫時收儲再將建倉之費估計請示遵行惟不許儲社長之家公私牽混有情願捐房捐地及捐木料夫工者計其所費照捐輸社穀之例一體敘獎凡有分社一面分倉出借一面定議詳明不必候示 一社穀還倉以九月爲始十一月全完一戶完訖社長卽將原領給還一面於印簿內填一完字如有未完及完不足數者社長將完欠姓名數目開單報官卽將欠戶姓名開列出示倉所一面案名追比本戶力不能完者卽著保人先爲代完仍於欠戶名下追還保人 一每倉全還之後社長將印簿結一總

數繳官官卽親往盤查止用丈量積算如果印官政務殷繁不克分身或令親信的屬務選端嚴公正之人攜帶印簿往查如有不可信之倉仍逐斛盤量盤量之後社長用鎖再用有印官封封倉以待來春出借稟明開封年終不必取結不報倉收以杜擾索 一捐輸社穀聽民情願斗石不嫌其少捐穀十石以上州縣給以花紅三十石以上給扁獎勵五十石以上知府給扁八十石以上道員給扁一百五十石以上藩司給扁二百石以上撫院給扁四百石以上者具詳奏明請旨議敘頂戴榮身如上年未足數次年捐至四百石亦準接算請敘所捐無論多寡交倉報官先將姓名穀數開示倉所示眾以彰善舉年底仍

將所捐姓名穀數逐社造冊通報查考 一秋收之後每社另發勸捐印簿一本簿首將分別獎勵一條列明交與社長同鄉耆隨處勸捐有願捐者登入印簿俟交倉之後社長報官照前條請獎凡入簿而未繳倉者不必報官預作存倉實數不願捐者不可強派如地方舊有無益耗費可以節省歸作社本以一時無益之費作永遠接濟之事更爲義舉 一捐穀息穀積久漸多卽於本鄉里分社以便就近借還不許移儲別社將來如果十分充裕詳明可以免息再多則可變價爲該社地方修橋建學等項義舉之用地方有偏災賑糶及一切公事均不許請動社穀 一向無社穀今願捐穀立社者準其酌定倉所選充



社長一體立社報明地方官通詳儻新分之社社穀尙少聽其  
儘數出借以待漸次捐添地方官如有充公銀米亦許詳明作  
爲社本不必拘定四五百石之數方行立社凡立社分社均將  
借穀卹莊一一列名以免爭借越借一通報出借還倉已經  
酌發摺式該州縣止須將各社長繳到印簿數目結總填入卽  
可照式通報不可因此又令社長另造報上之冊致滋需索煩  
費如州縣照式填明數目不錯者上司衙門亦不必苛駁凡社  
穀數目至斗升而止合勺以下之尾數卽有譌錯藩司衙門更  
正造報不得以零數不符駁查滋擾一地方官新舊交代止  
就各社長所報印簿查核領狀相符取具社長甘結存案卽可

接收出結交代不可因一官交代逐社盤量交收以後平時隨  
便可以查驗不必分委佐雜多差胥役四出分查致社長有供  
應之費奔走之勞 一地方偶有偏災所借之穀秋後免息還  
倉如本年不還次年仍收加一息穀必須詳明批定方準免息  
不得擅準免息亦不得因一隅偏災而請免一縣之息 一社  
長三年經理公平無侵欠者地方官詳明給扁獎勵經理年久  
社穀漸多者即係惠濟鄉里之正人不愧媿睦任恤之義舉詳  
請院司給扁年高者詳充鄉飲紳矜則充賓介平民則充眾賓  
附嘉慶六年巡撫馬慧裕批飭署長沙府知府張五緯議詳社  
倉條規十一則 一通省各州縣額儲社穀各有詳報數目第

內中有提儲縣倉及併儲總社之處似於分鄉設社之義有妨  
應請速飭各州縣查明原設各社及現在情形妥爲分儲選擇  
正副社長聽其經管取具承領全數甘結隨同奉部造冊案內  
申送儻有短缺應分別社長侵蝕民欠未還妥爲清理以歸實  
儲事在賢能牧令克已設法認真承辦不得妄開派累之端其  
原建社倉倒塌無存者或覓寺院公所或卽儲承充社長之殷  
實富戶家內俾免建復經費且就近典守等語查倉以社名并  
非入官今提儲縣倉小民借還自多不便如各屬有提儲縣倉  
及併儲總社之處應飭令查明原設各社妥爲分儲或覓寺院  
公所存儲選擇老成正副社長經管分司出納以昭慎重餘如

該府所議辦理 一社長專司出納選充後官給執照戳記條規凡屬稟官之事用戳投衙今既令社長自行管理所有戳記應請通飭弔銷仍給執照一張條規一本庶社長遵守有憑等語查乾隆四十八年原定條規內本有官給執照戳記條規凡屬稟官之事用戳投衙以免僕僕且戳記內僅刊社長不列人名儘可永遠遵守新舊流傳毋庸繳舊發新等因業經頒行在案今該府請弔銷戳記則此後應行稟官差追等事又須該社長僕僕往返殊非體恤之道應仍其舊該府所請弔銷之處應毋庸議 一每年正月開印後傳集各社長當堂各給印簿二本印發填報借數今既令社長自行經營應聽自立簿籍不必

請印以免經胥勒索滋弊等語查原定條規每年開印前後傳集社長給簿借放嚴禁書役需索等因頒行在案今既歸社長自行經管自無須官給印簿嗣後應令社長自立簿籍存記不必呈簿用印以免經胥勒索 一斗斛損壞重新製辦聽各社長赴州縣將司頒斗斛較準卽由州縣印烙發給出納毋庸年年調驗以杜書役藉端索費之弊等語查原定條規內開遇有斗斛損壞重新製辦聽各社長赴州縣將司頒斗斛較準卽由州縣印烙發給出納毋庸年年調驗以杜書役藉端索費等因刊頒在案應請申明舊章循照辦理 一勢棍刁徒強借多借稟官究懲借穀應視其耕田及戶口多寡或數斗或一石每戶

多者不過二石必須有業之人公保同赴社長處認識方準借給如無保人或用契據物件以多押少亦可通融儻空手無保雖係社長戚好不得濫借遇有刁棍假冒詭名恃橫挾制及誣陷阻撓情事許社長隨時稟究地方官不得膜視推諉以致社穀無著等語查原定條規內開勢棍刁徒強借多借稟官究懲又借穀應視其耕田及戶口多寡或數斗或一石每戶多者不過二石必須本地有業之人公保同赴社長處認識方準借給如無保人雖係社長戚好不準濫借責令州縣官於放借之前出示嚴禁儻有刁徒假冒詭名恃橫挾制及誣陷阻撓者許社長稟究枷號示眾等因已極明晰應飭遵照辦理

一社穀收

儲較多勢難分建借穀之時寫遠不便僅止正副社長二人勢  
難周理除正副社長總理其成外每區設立殷實公正一人分  
領就近掌放放畢將保借姓名穀數開給社長核明入簿秋成  
仍按出借本穀加一收息若干催還收儲出具收字交社長彙  
總庶區區得資接濟自無偏枯爭越之端等語查原定條規內  
開總倉久經建定其中尙有未分之處一倉儲數區之穀而社  
長僅止正副二人勢難周理除正副社長總理其成外應令每  
區設立殷實公正一名分領就近掌放放畢將保借姓名穀數  
開給社長核明入簿秋成仍按出借本穀加一收息若干催還  
收儲出具收字交社長彙總具收結報庶區區得資接濟自無

偏枯爭越之端等因是原議已極周詳應飭遵辦 一社穀還

倉以九月爲始十月全完交倉之穀自須乾潔穀色欠純許車  
一次總以二穀足一米爲率不得違例多車每戶借穀無多原  
可照數加息全交不得分作數次希圖拖騙尾欠并不得以低  
潮癘穀搪塞壓收致社長賠累該社長亦不得刁指畱難等語  
查原定條規內開社穀還倉定期八月九月不完社長稟縣勒  
追十月完竣盤查至交倉之穀自須乾潔穀色欠純許車一次  
總以二穀足一米爲率不得違例多車每戶借穀爲數無多原  
可照數加息全交不可分作數次希圖拖騙尾欠并不得以低  
潮癘穀壓收致社長賠累該社長亦不得刁指畱難如違均干



查究等因通頒在案應飭遵照辦理惟社穀既聽社長自行經營盤查之例應請刪除以免書役勒索一社穀還倉如有未完及完不足數者社長自立滾單催完如本戶力不能完原保人先行代墊等語查原定條規內開社穀未完及完不足數應做照滾催錢糧之法設立滾單單首列勒追條規後開欠戶保戶姓名穀數著落該都保甲協同社長交單挨戶滾催滾到限二日內全完如本戶力不能完卽著保人先行代墊儻有臥滾不追不行者許保甲扭稟比追一面將滾單改發下戶挨催俾知臥滾干比自必滾到肯償較之票存原差之手任其作輟操縱者更爲公普得濟其繕寫滾單應責成州縣官令經承趕辦

依限催還免致社長賠累等因是立法已極周詳應飭循照惟  
滾單應聽社長自行設立滾催毋庸經承繕寫以杜需索一  
息穀以每石加一核計內扣除四升準作開銷修倉盤折鼠耗  
及斗級公費其餘六升歸公算該本穀若干息穀若干社長於  
每歲底將出入儲欠數目造冊結報地方官轉詳請咨等語查  
原定條規內開出借穀數以每石加一息穀內扣除四升準作  
開銷修倉盤折鼠耗及斗級公費其餘六升歸公算該本穀若  
干息穀若干具結投遞州縣官卽據收息還倉之穀加結轉報  
不但無需結票抑且各按層據若豐年無人借領穀原不動社  
長應於簿內註明具結申報等因在案應飭遵照辦理一正

副社長經理不善致滋弊端者地方官查拏革懲侵蝕者照例  
治罪仍令賠還儻有挾嫌誣告社長侵蝕者務在地方官安速  
辦理實究虛坐不得延擱拖累以致書差詐擾等語查原定條  
規內開社長儻不自愛捏欠侵那并許地保查實稟官將侵那  
之穀押追革退更換仍照例治罪地保挾嫌誣稟并拘究處等  
因是原議已極周詳應飭遵照辦理 一社倉每多官爲經理  
以致書差層層勒索今既令殷實富戶自行辦理所有從前究  
辦舉報求免具認規禮及盤查滿倉繳息結報各種詐錢名色  
請以嘉慶六年爲始概行革除儻各屬書差再敢藉端復犯許  
社長赴州縣衙門稟究該州縣不嚴行約束經府州訪聞據實

參辦等語查社倉穀石原屬備荒善政無如經理不善日久弊生每多書役勒索等弊今該府所指各種詐錢名色自應通飭一律嚴禁如有前項弊竇許該社長赴州縣衙門稟究該州縣查禁不力經府州訪聞卽行據實參辦以除積弊 同治二年

巡撫惲世臨通飭各屬勸捐義穀備荒疏略言湖南常平倉自辦軍務以後實止存穀三十餘萬石其中因公動用穀價存司未領者多現在軍餉緊急勢難籌款買補社穀亦多虧缺年久難以追賠惟有勸捐義穀庶可以備荒歉 臣嚴飭各屬照議發

章程一律勸捐每收穀一石抽捐一升至四五升爲止其收放悉責諸公正紳士及殷實良民或建倉存儲或分儲公所或暫

寄富戶均令其出具收存穀數切結官爲稽核遇有荒歉或酌給孤貧或減價平糶秋後如數籌補現據各州廳縣稟報積穀已繳上倉者共六十一萬二百八十二石有奇未繳者八萬九千一百三十四石有奇俟秋後催繳歸倉此項穀石本係民捐民積不特與常平倉官物不同卽與報部社穀亦異應歸各公正紳民自行經管不假手官吏以杜侵蝕虧挪及動糶時需索掣肘之弊其動碾買補等事請免部中行查并免照常平倉例責以冊結報部俾經收出納者不致疑畏惟不予官以經理之政仍予官以查管之權除取經管紳士切結存案外其經管冊結應歸入交代嗣後州縣官交卸另具稽查所存義穀并無虧

短印結一紙申送院司道府查核如紳士侵蝕追賠後仍照監  
守自盜律官照失察律究處官或威逼侵借照在官求索律議  
處追賠此為南省創辦之舉奏明立案得

旨允行 按義穀與常平社倉不同所有穀數已詳各州縣志此不具書

通省倉廩坐落地方及現儲穀數

長沙府常平倉二所一在故藩府東一在府治東額儲穀歸長

沙善化二縣經管

長沙縣常平倉在故藩府西兼管府倉共儲穀七萬二千一百

八十八石五斗二升一合四勺 咸豐十一年清查動用無存寄存湘潭湘鄉衡山醴陵攸縣

麻陽等縣穀三萬二千零一十一石一斗五升七合  
又囚田租穀一百八十八石五斗一升七合

社倉十二所一在開福寺一在莫家衝一在紫霞菴一在烏龍山一在榔梨市一在東衝菴一在殷家垵一在天王寺一在九溪寺一在觀音堂一在隔塘寺一在烏山寺舊共儲穀二萬一千五百九十石六斗一升五合六勺

善化縣常平倉在故藩府東兼管府倉共儲穀七萬三千四百

四十六石二升六合四勺咸豐十一年清查計存穀二千九百六十四石九升六合寄存湘潭湘

鄉醴陵攸縣零陵祁陽甯遠等縣穀三萬四千七百六十九石一斗七升四合四勺囚田租穀二百二十七石一斗二升九

合

社倉舊設一二都各一間三四都共一間五都一間六都二間七都一間八都二間九十都各一間乾隆四十五年添設一都

五間二三都各一間四都三間五都一間六都十四間七都十  
一間八都六間九十都各二間舊共儲穀萬四千一百六十二  
石四斗一升九合九勺

湘陰縣常平倉在縣治西儲穀三萬九千九百五十九石九斗

三升五合一勺

咸豐十一年清  
查動用無存

社倉十七所一在縣城一在新市一在崇福寺一在銅盆寺一

在元堂寺一在南嶽寺一在歸義街一在萬家倉一在富家倉

一在宏山寺一在新市街一在楓樹塘一在羅家倉一在顯慶

寺一在翁家洲一在南嶽宮一在柳祠堂舊共儲穀八千三百

六十七石六斗九升五合三勺



瀏陽縣常平倉在縣城儲穀三萬四千六十四石六斗二升九

合六勺咸豐十一年清查計存穀四千五百九十五石

社倉在北鄉者四一在金盆山一在毛公橋一在南普嶺一在

楓漿鋪在東南西三鄉者各一舊共儲穀二萬一百四十九石

六斗九升二合

醴陵縣常平倉在縣治西儲穀三萬三千七百四十八石四斗

九升九勺咸豐十一年清查計存穀九千二百二十八石九斗一升

社倉六所一在縣城一在普口市一在石亭一在鹽山寺一在

青安鋪一在淥口市舊共儲穀萬六千五百八十一石五斗九

升四合八勺

湘潭縣常平倉二所一在縣治左一在縣治西共儲穀七萬八

千六百石六斗八升七合九勺

咸豐十一年清查計存穀一萬九千八百二十一石

社倉二十七所一在縣治西一在荷葉塘一在悅安寺一在清

水塘一在沙星坪一在半山亭一在金盤嶺一在碑頭市一在

婁家山一在馬家山一在清溪寺一在寧田寺一在小花橋一

在三門市一在花門樓一在吟江一在龍潭寺一在銅錢灣一

在樓梯衝一在伍家衝一在錦市一在馬家山一在盤龍山一

在弔鐘山一在泉塘衝一在普恩潭一在冷水潭舊共儲穀二

萬九千七百三石七斗九升五合九勺

甯鄉縣常平倉在縣城南門外儲穀二萬四百四十九石七斗

五升八合二勺

咸豐十一年清查計存穀一萬一千一百七十六石六斗二升一合六勺

社倉十三所一在柿花園一在浯溪寺一在尋峯鋪一在麻洋

坪一在南安寺一在禪喜菴一在五龍寺一在羅漢寺一在景

德觀一在迎水鋪一在靈山寺一在西門鋪一在黃材舊共儲

穀二萬一千六百九十八石五斗六升七合五勺

益陽縣常平倉在縣城儲穀三萬三百八十八石四斗九升三合

五勺

咸豐十一年清查計存穀二千三百四石五斗五升

社倉八所一在寶積寺一在龍會寺一在太陽菴一在新市渡

一在鮓埠一在舒塘一在桃花江一在黃溪橋舊共儲穀二萬

一千六十七石六斗六升四合一勺

湘鄉縣常平倉在縣治左儲穀五萬八千三百六十六石九斗

五合三勺 咸豐十一年清查計存穀一萬一千四百九十一石五斗七升六合二勺

社倉五所一在縣治右一在側水市一在永豐市一在激水市

一在婁底市舊共儲穀萬八千九百七十一石六斗一升五合

四勺

攸縣常平倉在縣治右儲穀二萬四千九百七十四石一升七

合六勺 咸豐十一年清查計存穀一萬三千二百三十四石八斗五升七合

社倉十八所一在縣城一在慈峯山一在北仙觀一在陽靈觀

一在獨隆觀一在金星菴一在南溟橋一在盤田觀一在大倉

橋一在善業寺一在元元觀一在重興寺一在紫金觀一在靈

陽坪一在新市一在福壽灣一在笙竹塘一在廣化寺舊共儲  
穀萬五千一百五十七石三斗七升六合一勺

安化縣常平倉二所一在縣治西一在縣城蔣家巷共儲穀八

千石咸豐十一年清查計存穀七千五百九十一石六斗六升八合一勺

社倉十二所一在蔣家巷一在柳林一在東山一在萬福菴一

在仙溪一在藍田一在朱梅倉一在七星街一在水瀾倉一在

東坪一在馬轡市一在毘溪舊共儲穀七千三百六石二斗八

升七合一勺

茶陵州常平倉在州治西儲穀萬九百六十八石六斗一升六

合七勺咸豐十一年清查計存穀五千三百三十六石

社倉七所一在青雲山一在管塘一在探背嶺一在鶴湖一在巨田邨一在毘塘邨一在青霞觀舊共儲穀萬七千一石八斗三升三合七勺

衡州府常平倉在府治側額儲穀歸衡陽清泉二縣經管

衡陽縣常平倉在縣治側兼管府倉共儲穀四萬三千八百九

十六石五升九合

咸豐十一年清查計存穀二萬五千一百四十七石四斗五升二合二勺

社倉八所一在縣城一在延壽寺一在赤石寺一在唐福寺一

在峴山寺一在大西林一在三聖寺一在集福寺舊共儲穀二

萬二千四百六石六升四合六勺

清泉縣常平倉在府治側兼管府倉共儲穀四萬五千四百二

十七石七斗八升五合一勺 咸豐十一年清查計存穀二萬七千九百七十一石六斗零一勺

社倉七所一在河東寺一在觀子街一在古桑寺一在興隆寺

一在普賢寺一在排山觀一在沙平觀舊共儲穀萬四千二百

七十七石三斗四升

衡山縣常平倉在縣治側儲穀三萬八千二百八十九石九斗四

升八合七勺 咸豐十一年清查計存穀八千七百九十九石五斗

社倉十七所一在道福寺一在新橋一在南嶽市一在雲峯寺

一在依田鋪一在西竹寺一在大中寺一在石潭寺一在大悲

菴一在石灣坪一在報恩寺一在靈官廟一在朱陵觀一在寒

塘觀一在草市東一在草市西一在城隍廟舊共儲穀萬七千

五百四十石四斗七升一合

安仁縣常平倉在縣治東儲穀萬七千七百四十一石五斗八

升二合八勺

咸豐十一年清查計存穀三千八百六十八石三斗六升一合

社倉三所一在和義鄉一在依仁鄉一在浦陽鄉舊共儲穀三

千二百六石九斗二升八合六勺

耒陽縣常平倉在縣治左又水次倉在縣北二里共儲穀萬九

千八百四十二石八斗七升二合六勺

咸豐十一年清查計存穀六千七百二十三石

五斗一升

社倉五所一在縣城一在大義鄉一在興業鄉一在雲峯鄉一

在教山鄉舊共儲穀萬二千八百四十三石一斗三升八合八



勺

常甯縣常平倉在縣治東儲穀萬三百八十七石二斗六升二

合一勺

咸豐十一年清查計存穀六千七百六十四石九斗九升

社倉四所一在下液堡一在西陽堡一在官板堡一在枯江堡

舊共儲穀九千九百二十九石二斗五升七合二勺

鄱縣常平倉二所一在縣治左一在縣治右共儲穀萬二千五

十一石二斗七升五勺

咸豐十一年清查計存穀五千九百八十七石七斗六升

社倉七所分建各鄉舊共儲穀三千五石二斗五升六合六勺

永州府常平倉在府治東額儲穀歸零陵縣管理

零陵縣常平倉在府城兼管府倉共儲穀六萬一千五百十六

石九斗一升三合七勺

咸豐十一年清查計存穀三萬六千四百四十五石九斗五升九合八勺

社倉十所一在仙人橋一在雲溪寺一在洋江一在楚興寺一

在黃田鋪一在大田寺一在木瓜埠一在冷水市一在高溪司

一在黃陽堡舊共儲穀萬九千七百十七石七斗四升七合

祁陽縣常平倉在縣城儲穀二萬六千三百五十四石一斗六

升五合六勺

咸豐十一年清查計存穀六千三百八十五石三斗一升八合一勺

社倉二十八所一在城隍廟一在玉皇廟一在真武閣一在白

沙廟一在金蘭寺一在歸陽市一在富塘寺一在清江寺一在

樓霞菴一在常園山一在仙靈觀一在永安社一在金錢寺一

在觀音灘一在三郎廟一在仙塘寺一在田心觀一在白鶴寺

一在文明寺一在大邨町一在龍會寺一在觀音菴一在馬頭  
觀一在呂潛寺一在蓮花寺一在寶方寺一在九龍寺一在祖  
師殿舊共儲穀二萬四千六百十七石八斗二升二合三勺

東安縣常平倉在縣治西儲穀八千石咸豐十一年清查計存穀四千二百五十石四

斗九升

社倉七所一在福昌寺一在福聚寺一在石期市一在白牙市  
一在瑞橋鋪一在蘆洪司一在周家鋪舊共儲穀萬三千二百  
五十四石四斗三升五合八勺

道州常平倉在州治左儲穀九千五百九十七石五斗二升五

合咸豐十一年清查動用無存

社倉九所一在州城一在榮樂鄉一在登豐鄉一在修義鄉一

在宜陽鄉一在進賢鄉一在肖川鄉一在營陽鄉一在蔣居鄉

舊共儲穀二萬一千一百十八石一斗一升二合四勺

甯遠縣常平倉在縣治左儲穀萬石咸豐十一年清查計存穀八百三十一石一升

社倉十一所一在九疑觀一在觀音閣一在藍家巷一在永壽

寺一在永安寺一在下灌一在鐵腳塘一在張家山一在西隱

寺一在花橋一在柏家坪舊共儲穀九千三百三十二石二斗

六升七合二勺

永明縣常平倉在縣治東儲穀八千石咸豐十一年清查動用無存

社倉十七所一在縣治前一在福通寺一在上祿寺一在大羅

墟一在楊家邨一在敬義塘一在松柏邨一在盧家邨一在唐  
清寺一在花盤寺一在寶仙觀一在文昌閣一在上下墟一在  
上洞邨一在石南邨一在桃花所一在枇杷所舊共儲穀五千  
九百五十七石三斗四升三合四勺

江華縣常平倉在縣治東儲穀七千八百十九石七斗一升六

合咸豐十一年清  
查動用無存

社倉五所一在城隍廟一在錦田邨一在嶺東邨一在白芒營  
一在上宅洞舊共儲穀六千六百七十二石四斗九升五合三

勺

新田縣常平倉在縣治南儲穀六千石咸豐十一年清  
查動用無存

社倉四所一在縣城一在上南邨一在下南邨一在桂蘭鄉舊

共儲穀五千五百四十五石五斗五升二合六勺

寶慶府常平倉在府治側額儲穀歸邵陽縣經營

邵陽縣常平倉在縣治側兼管府倉共儲穀二萬八百石咸豐十一年

年清查計存穀一萬六千二百六十九石九斗二升

社倉十所一在報恩寺一在紫極宮一在縣西城外一在縣東

城外一在大東路一在小東路在西南路者各一在北路者二

舊共儲穀二萬一千三百一十一石一斗四升五合五勺

新化縣常平倉在縣城儲穀萬石咸豐十一年清查動用無存

社倉三十六所在縣城者一在南路者十六在西路者九

北路者各五舊共儲穀三萬四千三百五十四石八斗九升三

合三勺

武岡州常平倉在州治左儲穀萬石

咸豐十一年清查計存穀六千六百五十八石二斗

四升三合三勺

社倉二十五所在東西路者各七在南路者六在北路者五舊

共儲穀三萬七千七百二十三石六斗七升一合五勺

新甯縣常平倉在縣治左儲穀八千石

咸豐十一年清查計存穀六千六百八十三石

六斗四升

社倉十八所在縣城者三在東西關者各一在西北鄉者各二

在東南鄉者各一在連邨八龍閣者一在大絹黃巖桃盆圳源

衝黃邏遶七崗者各一舊共儲穀萬二千三百九十七石九斗

八升二合五勺

城步縣常平倉三所一在縣治側一在西巖寺一在靈應觀共

儲穀萬石

咸豐十一年清查計存穀七千三百一十三石一斗六升

社倉三所在各常平倉側舊共儲穀九千七百七十八石五斗

七升四合九勺

岳州府常平倉在府治後額儲穀歸巴陵縣管理

巴陵縣常平倉在縣城南門內兼管府倉共儲穀五萬四千七

百十八石六斗六升七合八勺

咸豐十一年清查動用無存

社倉三所一在常平倉側一在青岡驛一在鹿角司舊共儲穀



二千九百二十石八斗一合二勺

平江縣常平倉在縣治右儲穀七千三百二十四石咸豐十一年清查計

存穀三千六百三十三石六斗

社倉三所一在常平倉側一在長壽街一在伍公市舊共儲穀

五千一百八十三石三斗八升七合八勺

臨湘縣常平倉二所一在縣城西門內一在南街共儲穀二萬

五百四十石六斗三升二合八勺咸豐十一年清查動用無存

社倉三所一在常平倉側一在長安驛一在桃林市舊共儲穀

千二百七十石七斗八升九合六勺

華容縣常平倉在縣治側儲穀二萬二千三百十二石咸豐十一年清

查計存穀八千八百二十八石

社倉二所一在縣治左一在東鄉舊共儲穀二千六百二十二

石七斗五升七合五勺

岳州衛常平倉儲穀四千九百三十一石八斗九升六合咸豐十一年

年清查動用無存

社倉儲穀百九十五石一斗二升九合五勺

常德府常平倉在府治西額儲穀歸武陵縣管理

武陵縣常平倉在縣治側兼管府倉共儲穀六萬八千二百二

十七石六升八合一勺咸豐十一年清查動用無存

社倉七所一在青陽閣一在狀仙橋一在關山岡一在侯子坡

一在迎恩寺一在草坪一在桂家崙舊共儲穀三千一百二十六石六斗三升八合八勺

桃源縣常平倉在縣治東儲穀二萬五千三十二石三斗九升

九合咸豐十一年清查計存穀四百石

社倉五所一在縣城一在陬市一在鄭家驛一在漆家河一在

新店驛舊共儲穀四千四百七十五石九斗三升九合

龍陽縣常平倉在縣治東儲穀二萬三千石一勺咸豐十一年清查動用無

存

社倉十二所在縣城及東西鄉者各一在南鄉者七在北鄉者

二舊共儲穀八千八百三十石一斗四升九合

沅江縣常平倉在縣治東儲穀萬五千五百六十石八斗九升

八合九勺 咸豐十一年清查動用無存

社倉六所一在縣學後一在日駝鋪一在郎荆隄一在龍家亭

一在蔣羅坊一在寨河陂舊共儲穀六千二百九十一石九斗

六升一合七勺

辰州府常平倉在府治東北額儲穀歸沅陵縣管理

沅陵縣常平倉在府城東門內兼管府倉共儲穀三萬九千六

百四十二石五斗七升八合四勺 咸豐十一年清查動用無存

社倉在縣治側舊儲二千五百十石五斗三升一合五勺

瀘溪縣常平倉在縣治北儲穀萬二千一百八十六石八斗 咸豐

十一年清查  
動用無存

社倉四所一在縣城一在上廣社一在合水社一在新寶社舊  
共儲穀千七百五十七石三斗四升二合五勺

辰谿縣常平倉在縣治側儲穀萬二千石一勺  
咸豐十一年清查動用無存

社倉五所一在縣城一在龍頭菴一在銅山一在均地坪一在

眾夥鋪舊共儲穀千七百十七石八斗四升四合六勺

溲浦縣常平倉在縣治東儲穀萬六千一百五十九石一斗三

升四合一勺  
咸豐十一年清查動用無存

社倉三所一在東嶽祠一在牛羊邨一在廣佛寺舊共儲穀千

八百三十五石三升一合

永順府常平倉在府城東門外額儲穀歸永順縣管理

永順府同知常平倉在古丈坪儲穀千九百八石六斗七升

屯防儲備倉在古丈坪儲穀五百石 收支鹽糧經費倉在古

丈坪儲穀百十石七斗 苗寨收支倉二所一在龍鼻嘴一在

曹家坪 苗寨積存倉在龍鼻嘴

永順府通判常平倉在新街儲穀千石

永順縣常平倉二所一在縣治左一在王邨兼管府倉共儲穀

二萬八千六百二十石九斗六升 咸豐十一年清查計存穀一萬九千六百六十八石二斗

一升一合一勺

社倉在常平倉側儲穀千二百八十二石九斗四升一勺

保靖縣常平倉二所一在縣城一在舊司城共儲穀萬二千石

咸豐十一年清查動用無存

社倉儲穀千六百九十九石四斗二升六勺屯防儲備倉在

縣城儲穀千五百石收支鹽糧經費倉在縣城儲穀千二百

七十石四斗苗寨收支倉二所一在他者寨一在毛坪寨

苗寨積存倉七所一在毛坪寨一在萬巖溪一在葫蘆寨一在

鼻子寨一在碌碌河一在隘口寨一在水田寨

龍山縣常平倉在縣城儲穀萬四百十二石五斗六升五合咸豐

十一年清查計存穀一千三百七十七石七斗七升七合七勺

社倉二所一在縣城一在龍頭鎮又散儲各鄉者凡十六所舊

共儲穀千一百三十七石七斗一升六合二勺

桑植縣常平倉在縣城南門內儲穀七千石

咸豐十一年清查計存穀五千四百

四十四石六斗二升二合八勺

社倉二所一在縣城大西門內一在新司城舊共儲穀千三百

六十三石一斗二升五合五勺

沅州府常平倉在府治西南額儲穀歸芷江縣管理

芷江縣常平倉在縣治西南兼管府倉共儲穀四萬八千六百

五十石一斗三升四合四勺

原儲穀五萬餘石嘉慶二十二年撥一萬石儲晃州廳咸豐十一年

清查計存穀一千四百九十

社倉十二所一在城東寺一在城南寺一在便水驛一在羅舊



驛一在懷化驛一在三眼橋一在馬田溪一在橋頭一在滕家  
壠一在洪溪一在五里牌一在西溪舊共儲穀萬五千七百七  
十一石六斗五升七合四勺

黔陽縣常平倉在縣治右儲穀萬五千八十八石八斗七升六

合三勺 咸豐十一年清查動用無存

社倉二所一在同天寺一在巖門舊共儲穀七千六百三十石

六斗一升七合四勺

麻陽縣常平倉在縣治東北儲穀萬五千七百三十四石四斗

咸豐十一年清查計有穀二千六百五十八石三斗七升七合

社倉十一所一在縣城一在石巖門一在大馬一在江夏溪一

在舒石一在新坪一在高邨一在陶伊坪一在石爛里一在下

汊一在太平溪舊共儲穀二千七百八十九石一斗四合

乾州廳常平倉在廳城儲穀萬十四石四斗

咸豐十一年清查計存穀三千五百

五十五石二合二勺

屯防儲備倉三所一在新街堡一在馬頸坳一在西關廂共儲

穀三千石 收支鹽糧經費倉三所一在新街堡一在馬頸坳

一在大壩坪共儲穀千三百六十八石三斗 苗寨收支倉十

所一在三岔坪一在蟒車一在陽孟寨一在新街堡一在馬頸

坳一在西關廂一在野茅坪一在潭溪一在黃腦寨一在平郎

寨 苗寨積存倉九所一在三岔坪一在蟒車一在陽孟寨一

在西關廂一在黃腦寨二在新街堡二在馬頸坳

鳳凰廳常平倉在廳城儲穀萬六千九百八十七石六斗五升

二合九勺咸豐十一年清查計存穀七千九百一十四石二斗一升四合

屯防儲備倉五所一在廳城一在新場堡一在得勝營一在舊

司坪一在石羊哨共儲穀二萬五千石 收支鹽糧經費倉六

所一在新場堡一在同全坡一在得勝營一在舊司坪二在廳

城舊共儲穀九千八百十九石六斗 苗寨收支倉十五所一

在馬鞍山一在新洞坪一在火麻營一在爆木營一在巴科寨

一在塘寨一在科甲一在木里一在大田一在巖口一在鴨保

寨一在古桑營一在龍角洞一在田坪一在新寨 苗寨積存

倉十一所一在馬鞍山一在火麻營一在爆木營一在木里一

在巖口二在鴨保寨二在田坪二在新寨

永綏廳常平倉在廳城儲穀八千石咸豐十一年清查動用無存

屯防儲備倉二所一在廳城一在茶洞共儲穀萬石 收支鹽

糧經費倉十所一在潮水溪一在弭諾堡二在茶洞六在廳城

舊共儲穀萬六千五百五十四石六斗 苗寨收支倉十八所

一在埽把寨一在鉛廠寨一在隆團一在尖巖一在廣車一在

長潭一在窩勾一在下寨一在鴉堡寨一在董馬寨一在排補

美一在螺螄瑾一在排打扣一在龍孔寨一在兔子寨一在高

巖一在補豪窩一在大招 苗寨積存倉十所一在埽把寨一

在隆團一在尖巖一在長潭一在鴉堡寨一在螺螄壩一在龍孔寨一在排補美

晃州廳常平倉嘉慶二十三年始議營造撥儲沅州府芷江縣常平倉穀萬石

社倉舊儲穀二千一百十九石一斗四合係芷江縣經營其倉坐落廳境現議飭芷江移交接管

郴州常平倉在州治西偏儲穀九千九十七石四斗四合二勺

咸豐十一年清查動用無存

社倉六所一在州城一在田心一在良田一在石壁一在黑山口一在夥市舊共儲穀萬五千五十五石九斗三升一合

永興縣常平倉在縣城儲穀六千石咸豐十一年清查動用無存

社倉四所一在國甯寺一在瓊林觀一在太平寺一在安福司

舊共儲穀三千五百九十九石四合九勺

宜章縣常平倉在縣治左儲穀八千石咸豐十一年清查動用無存

社倉六所一在縣城一在赤石司一在白沙堡一在黃沙堡一

在栗源堡一在芭籬堡舊共儲穀四千二百八十八石八斗六

升二合三勺

興甯縣常平倉在縣治右儲穀六千石咸豐十一年清查計存穀四千七百二十五石

升一

社倉四所一在州門司一在人和墟一在東江一在廖江市舊

共儲穀五千四十六石六斗二升一合六勺

桂陽縣常平倉在縣治側儲穀八千石  
咸豐十一年清查動用無存

社倉五所一在縣治側一在樂善鄉一在長樂鄉一在文明鄉

一在長甯鄉舊共儲穀三千五百六十石一斗九升四合八勺

桂東縣常平倉在縣治側儲穀六千石  
咸豐十一年清查計存穀二千八百八石四斗

六升

社倉在常平倉側舊共儲穀三千三十七石八斗四合二勺

靖州常平倉在州治側儲穀萬四千七百八十二石七斗九升

咸豐十一年清查動用無存

社倉十七所一在渠陽廟一在十里鋪一在金灘一在乾塘坳

一在水口菴一在晏團坡一在橫江菴一在紫雲寺一在永清菴一在官沙灣一在迴龍塘一在江口一在三巖橋一在文昌閣一在迎恩寺一在興隆菴一在永興菴舊共儲穀萬一千八百八十七石四斗七升六合四勺

綏甯縣常平倉在縣治側儲穀萬石

咸豐十一年清查動用無存

社倉六所一在縣城一在關硤一在龍歸寺一在青坡司一在玉清觀一在香山寺舊共儲穀五千八百九十石二斗七升一

合九勺

會同縣常平倉在縣治側儲穀萬七百六十一石二斗五升二

合咸豐十一年清查動用無存



社倉四所一在縣城一在柵木堡一在若木堡一在堡子陂舊

共儲穀萬七百八十九石五斗七升二合五勺

通道縣常平倉在縣治側儲穀六千石咸豐十一年清查計存穀三千三百四十八石

五斗七升  
六合七勺

社倉五所一在縣城一在天星里一在黃寨里一在文坡里一

在粟家里舊共儲穀千七百七十三石四斗一升六合一勺

澧州常平倉在州治側儲穀二萬二千一百二石八斗三升一

合九勺咸豐十一年清查計存穀六十二石一斗二升

社倉五所分建仁義禮智信五鄉舊共儲穀萬一千二百五十

七石九斗五升八勺

安鄉縣常平倉在縣治東儲穀七千六百三十石八斗

咸豐十年清

查計存穀二百六十五石六斗

社倉在縣城東舊儲穀八千四百三十六石四斗一升四合三

勺

石門縣常平倉在縣治東儲穀六千二百十四石三斗

咸豐十年清

查計存穀三千二百二十九石六斗七升二合

社倉六所一在新關一在棗兒埡一在白洋湖一在花藪寺一

在新開寺一在黃楊橋舊共儲穀六千八百七十二石三斗三

升四合三勺

慈利縣常平倉在縣治側儲穀六千六百六十二石五斗八升

一合五勺 咸豐十一年清查計存穀二千五十六石五斗九升五合八勺

社倉在常平倉側舊儲穀六千五百四十二石六斗四升五合

四勺

安福縣常平倉二所一在縣治側一在新安市共儲穀六千九

石七斗三升六合二勺 咸豐十一年清查計存穀二千九石七斗三升六合二勺

社倉三所一在余市橋一在羅漢坪一在新安市舊共儲穀三

千二百五十九石七斗六升六合九勺

永定縣常平倉在縣治側儲穀六千四百五十一石九斗二升

咸豐十一年清查計存穀一千八百七十四石八升四合

社倉在常平倉側舊儲穀三千七百九十三石七斗四升四合

二勺

桂陽州常平倉二所一在州城一在瓦窰共儲穀八千石咸豐十一年

年清查動用無存

社倉十二所一在州學側一在瓦窰一在林李觀一在南沙坪

一在燕喜洞一在開華寺一在慧門寺一在油田墟一在賢江

洞一在泗州寨一在安平營一在烏石渡舊共儲穀一萬四千

七百六十三石九斗三升七合九勺

臨武縣常平倉在縣治右儲穀八千石咸豐十一年清查計存穀一千五百二十二石

五斗三升三合

社倉六所一在縣城一在金三鄉一在文化鄉一在烏陂洞一

在平田鄉一在白竹邨舊共儲穀八千四百三十石五斗二升

四合六勺

藍山縣常平倉在縣城儲穀六千石咸豐十一年清查動用無存

社倉七所一在縣城西一在縣城北一在鳳感鄉一在宣妙寺

一在方廣寺一在大慈鄉一在壽相寺舊共儲穀六千五百一

石一斗八升八合

嘉禾縣常平倉在縣治東儲穀五千一百三十三石二斗二升

四合八勺咸豐十一年清查動用無存

社倉六所一在教場坪一在蓮荷墟一在西河洞一在行郎墟

一在石橋洞一在普滿寺舊共儲穀七千五百五十九石七斗

七升四合五勺

...

...

...

...

...

...

...

...

湖南通志卷五十五

湖南通志卷五十六

食貨志二 鹽法

唐

貞觀四年淮西節度使陳少游奏加民賦江淮鹽每斗增二百為錢三百一十其後鹽價寢貴有以穀數斗易鹽一升私糶未嘗少息順帝時始減江淮鹽價每斗為錢二百五十

唐書食貨志

宋

雍熙後以用兵乏饋餉令商人輸芻粟塞下增其直令江淮荆

湖給以顆末鹽

文獻通考

咸平四年祕書丞直使舒孫冕上言江

南荆湖通商賣鹽緣邊折中糧草在京納金銀錢帛公私皆便

吏部侍郎陳恕等議曰江湖之地素來官自賣鹽禁絕私商蓋由近煮海之地息犯禁之人官得緡錢頗資經費今若許通商必須官私競賢既而官價高大私價低平多糶商鹽則官鹽不售並依官價則私價太高官利失而私商困恐未叶宜從之

文獻

通考

五年天賜州蠻向永豐等二十九人來朝先是蠻人數擾

上召問巡檢使侯廷賞廷賞曰蠻無他求惟欲鹽耳上曰此常人所欲何不與之迺詔諭轉運使丁謂謂即傳告陬落羣蠻感悅因相與盟約不為寇鈔負約者眾殺之且曰天子濟我以食

鹽我願輸與兵食自是兵穀有三年之積

宋史溪洞諸蠻傳

淮南各

監歲鬻鹽若干各給本州及淮南江南兩浙等處並荆湖之江



陵府安復潭鼎岳鄂衡永諸州 荆湖歲漕米至淮南受鹽以  
歸東南鹽利視天下爲最厚淮南斤爲錢四視道里遠近而上  
下其估利有至十倍者 天禧初始募人入緡錢粟帛京師及  
淮浙江南荆湖州軍易鹽 明道二年參知政事王隨言淮南  
鹽初甚善自通泰楚運至真州自真州運至江浙荆湖綱吏舟  
卒侵盜販鬻從而雜以沙土涉道愈遠雜惡殆不可食吏卒坐  
鞭笞徒配相繼而莫能止 慶厯初判戶部句院王祺言天禧  
初嘗以荆湖鹽估高詔斤減三錢或二錢自後利入寢損請復  
舊估可歲增緡錢四萬許之 慶厯初制置司言比年河流淺  
涸漕運艱阻靡費益甚請量增江淮兩浙荆湖六路糶鹽錢下

三司議之三司奏荆湖已嘗增錢餘四路請斤增二錢或四錢

詔俟河流通運復故章惇察訪湖南符本路提點刑獄朱初

平措置般運廣鹽添額出賣未及行而止宋史食貨志神宗時監

察御史劉摯謫監衡州鹽倉平時倉吏與綱兵沿為姦利鹽中

雜以穢惡州人未嘗食善鹽摯悉劾檢且儲其羨以為賞弊減

十之七父老稱為學士鹽宋史劉摯傳熙甯六年戶部侍郎周輔

奏湖南郴道州鄰接韶連可以通運廣鹽數百萬卻均舊賣淮

鹽於潭衡永全邵等州並準江西廣東見法仍舉邾直初議郴

全道三州亦賣廣鹽詔具條約施行宋史食貨志元豐三年以二

百四十二萬貫為鹽額湖南七十八萬九百貫湖北七十七萬

四千二百貫 七年修湖南廣東西鹽法條約總目上之海王一

哲宗時御史呂陶奏湖南江西運賣廣鹽添額之害皆章惇所

倡願治其罪宋史食貨志 熙甯三年曾孝廣立直達之法雖湖南

北亦直至京師因毀淮南轉般倉既行直達而鹽法遂變海王

建炎三年潭州置合同場官一員凡鹽經從而把隘官軍以搜

檢姦細為名而騷擾者依軍法施行明年以法太重減徒文獻通考

### 元

至元五年湖廣行省咨中書云廣海額鹽三萬五千一百六十

五引餘鹽一萬五千引近因黎賊為害民不聊生正額積虧四

萬餘引若復添辦餘鹽困苦未甦恐致不安如蒙聞奏除免庶

不致遺患邊民戶部議於一萬五千引內量減五千引以舒民

力奏上從之元史食貨志大德十一年七月江浙湖廣江西河南

兩淮屬郡饑於茶鹽課鈔內折粟遣官賑之元史成宗紀兩淮行鹽

之地江淞江西河南湖廣所轄路分上江下流鹽法通行元史食貨志

志至正以前衡永寶三府皆食淮鹽至正末因偽漢陳友諒

竊據武昌淮揚鹽艘不通平章也兒速吉奏通粵鹽於衡永寶

三府以便民桂陽州志

明

明初兩淮鹽行湖廣布政司成化十八年湖廣衡州永州改行

海北鹽明史食貨志嘉靖八年湖廣每鹽一斤值銀三四分鹽政志

四十年湖廣衡寶二府仍食淮鹽明會典明初湖廣全省俱

行淮鹽後因兩廣用兵設立鹽廠廣西於梧州許行湖南衡永

二府近歲改行淮鹽民情大稱不便總督兩廣吳桂芳等請復

行廣鹽從之明典彙吳桂芳議復行鹽地方疏兩廣素為多

設立鹽廠委官抽鹽資餘鹽之利以供餉用之需行之既久上

下相安百數十年於茲矣近者都御史鄢懋卿整理鹽法議改

衡永二府盡食淮鹽遠涉洞庭經歷風波遷延歲月本輕腳重

商既不樂於行而鹽來既艱其價必高衡永之人舊食廣鹽每

斤不及一分而淮鹽之價則倍之矣以百數十年輕價之鹽而

一旦令之出加倍之直於民情實為不便臣自蒞任以來節查

梧州歲餉比前頓減節據該道查清回報皆云以衡永之鹽既

阻而軍餉之入遂稀已經案行議報去後今據前因臣會同議

照強兵之道足餉為先興利之方便民為要兩廣素稱多盜兵

戈不息供饋實繁其餉用之資類取給於鹽利之稅皆推納於

橋關梧州一關之稅往昔頗增蓋以湖廣衡永二府盡食廣鹽

惟鹽之疏通故稅入頗裕其衡永二府之民安食廣鹽百有餘

年亦以彼地水陸近便鹽貨易通邇年議將衡永二府之民改食淮鹽遂將廣鹽停止察議者之意本為增兩淮鹽課之計但淮鹽之抵衡永有水道阻運之艱而衡永之食淮鹽受姦商刁指之苦且淮之官鹽其來有限而廣之私販遂致盛行徒減兩廣之軍需何益兩淮之歲課於上無補於下有屬既非通商足國之規又豈導利便民之道况開私販之門起推埋之漸地方隱憂誠有大可虞者所據該道議舊規辨析分明似應依擬

四十三年兩淮巡鹽御史朱

炳如言衡永寶三府界連廣東湘潭而上水湍急難行淮商不

便故廣鹽得而乘之今宜免淮鹽抽稅待淮鹽賣盡方行廣鹽

仍令照例納銀以補淮優免之數庶人情稱便從之世宗實錄 隆

慶五年古田苗變詔粵東西會擊巡撫殷正茂倣元舊例衡永

寶改食粵鹽徵課以佐餉桂陽州志 萬厯四年巡按直隸御史王

曉言兩淮鹽至儀徵則解捆小包蓋因江西湖廣行鹽地方多

山僻小縣河道淺陋船小包大承載爲難勢不得不解包就船水陸均便商人挾千萬金重資不以數斤小利甘犯沒官之律

也從之兩淮鹽法志

尙書唐鐸以長沙寶慶衡永郴道各郡食鹽甚難廣東積鹽有

餘可運到廣西以入各郡上從其議於是東鹽始達於湖廣楊芳

鹽法明以長寶衡永四郡郴道二州附於桂林行鹽每歲於

粵東買七千五百引引十四包包百二十五斤官造船給直及

往返工費一歲二運遣官統之而商分任焉又許私帶十之一

謂之商鹽與官鹽搭配出售取其餘息以餉營兵歲可得二萬

緡但鹽出於東東人往往齟齬西商商益重困而奸偽百出雖

欲禁之不可得已百粵風土記

國朝

康熙六年衡州永州寶慶三府改行淮鹽減廣西梧州路四千

五百九引並除銀課巡鹽御史甯爾講疏湖南衡永寶三府改

議將兩粵課銀六萬四千七百一十六兩五錢照淮南輸課則

例計派引九萬五千八百一十七引其代納粵西雜稅一萬五

千兩原非鹽課即分派於九萬五千八百一十七引之內每引

帶銀一錢五分有奇以足七萬九千七百一十六兩五錢之額

其口岸照三府見行粵鹽包數派銷部議其應行之鹽在於淮

南見行額引內派運淮粵課餉仍各照原額上納七年續經御

史郭丕等咨準三府減去廣西稅銀九千五百三十兩六錢應

減引一萬四千一百一十一引又衡永寶三府原行綱鹽即在

兩淮歲額一百四十一萬三千六百一十引之內雖借資於粵而兩

淮之課引均未減除自改粵歸淮之後增添八萬一千七百六

引將原行淮引帶課不行鹽按八萬一千七百六引係十四

準六年派引七年減引核計後十八年題覆數目相符



年吳逆變亂商鹽不行蠲湖南鹽二十一萬五千四百四十五

引 又湖南用兵每引量增鹽課銀五分至二十五年停免

十七年長岳辰常四府前停鹽十三萬五百十九引請先行一

半全納正雜課銀其未行引目按引先完正納引價以濟軍需

部議令將未行一半仍設法徵納題準四府所蠲十三萬餘引

每引止照原額行銷納課不帶新加二十五斤之鹽其加斤課

銀亦暫許緩納俟地方平定照例行銷康熙十四年題蠲湖南

蠲八萬一千七百六引餘按所蠲總數核計尚應蠲十三萬三

千七百三十九引而本年提覆長岳辰常四府引數與原蠲不

符細推其故四府眾商於蠲引時係照淮南正綱於每名千引  
之中減去一百三十六引或未及千引者即未減去也則原蠲  
并未至二十一萬五  
千四百四十五引  
十八年湖南凱奏頻聞衡永寶三府所

有停鹽八萬一千七百六引援江西吉安之例酌於戊午綱先行一半計四萬八百五十三引俟全省底定照額全行 三十二年長岳辰常四府於十四五六年停鹽三十九萬一千五百五十七引共課銀四十餘萬兩商人洪德太請認課補引御史觀音布言補引不便准商吳承德請分作十年完補許之又題准補引年分從三十二年癸酉綱爲始其加斤鹽課及行銷地方前御史郝浴於十七年補行一年應照部行遵辦 三十四年以衡永寶三府自十四年至十八年共停鹽三十六萬七千六百七十七引令商人吳聖旭分作二十年完補自乙亥綱起行鹽納課 四十七年桂陽州知州伍士琪因州食粵鹽擔負

踰嶺價值倍增請於巡撫趙申喬濬河由桂陽直達連州運價頓減 四十九年覆準衡州等處鹽引一例通銷 五十一年題準辰州府增鹽稅銀一千三百八十六兩零分爲二年帶徵 五十五年衡永寶三府按照停引之數每年增鹽一萬八千三百八十四引永遠認行 五十六年題準添行停引鹽多壅滯所有衡永寶三府課銀二萬四百五兩零令淮商攤納前項引目永停不行

雍正二年湖南鹽筋與湖北江西上元等處每引許加五十斤以甲辰綱爲始 十一年永順府屬四縣辰州府屬永綏同知地方改土歸流另設引張酌減課額運銷淮鹽共需運鹽三千

二百七十一引每引納課銀八錢四分零嗣復咨部酌定改捆包每斤兩每小包以八斤爲率每一引改小鹽四十三包十二年覆準衡州府常甯縣界有康熙十八年裁汰衛所屯丁五十四戶錢糧並入桂陽州管納常甯例銷淮引桂陽例食粵鹽易致混淆著將五十四戶屯丁改銷淮引以杜私販十三年覆準湖南界連兩廣每多私鹽侵越向於衡州等處各設總巡商一人給以巡費督率巡役守禦各處隘口緝拏私販但隔省巡商究非現任官職可比著湖廣督撫揀選勤幹府佐一員擇適中緊要地方飭令帶領人役移駐稽察一應緝私事宜率同巡商悉心辦理務使鄰私不能偷越梟販不敢出沒果能督緝

有方著有成效三年之後題請從優議敘仍令驛鹽道不時查  
察倘委員巡查不力借端需索擾累商巡卽由鹽道據實揭參  
若仍徇隱不揭糾參議處

乾隆二年覆準湖南行銷淮鹽地方內有壤接粵省之道州寧  
遠永明江華新田類皆買食鄰私名爲淮南綱地仍食粵鹽揆  
諸定例實有未協惟因距漢寫遠商販不肯賠本運鹽民情萬  
難舍賤買貴亦時勢有不得不通融籌辦者嗣後道州等五州  
縣引鹽仍照往例通銷一面密諭地方官如遇淮鹽不能接濟  
仍遵零星食鹽免其緝捕之例聽從民便交易零鹽以資日食  
但不得過十斤以上亦不許轉相貨賣並飭料理粵卡之府佐



之衡州地方設立總店先期將鹽運往存貯毋使缺乏並於衡山縣分設子店遇鹽到稀少使三郡人民皆得就近買食將向有粵私浸灌之大小隘口添設房卡派撥兵役駐緝試行以後每年銷數約計至十萬包

道光四年因湖南衡州府商運淮鹽虧折賠累議準照湖北宜昌府例改爲官運官銷將每年試銷十萬包之數由衡通判按季差役赴漢岸運回到彼設店分售於衡永寶三府額引之外以此十萬包減價敵私濟商運之不繼每包亦照宜鹽例按照漢鎮例價減銀一分二釐並將衡通判督銷酌定考核處分十一年兩淮鹽務奏準改歸兩江總督管理大加釐剔內奏湖

南永綏永順苗鹽課額最輕到岸免出各費並議津貼原以漢鎮至彼水陸數千里恐水販運鹽不到苗民有淡食之虞故卹之加厚無如經辦之商惟知利己每出重貲私買回照備案其鹽並不運赴彼地行銷卽在漢岸私賣嗣後或委員或僉商專運應另議籌辦 又粵省熬鍋借官行私浸灌江西之贛州湖南之衡州現在贛州攸鎮地界已經奏請會勘必須確切查丈不可再涉含混湖南衡州之熬鍋亦應一律辦理 三十年兩江總督陸建瀛奏準淮南改行新綱減輕成本裁汰浮費仿照淮北票法釐定章程湖南永順永綏額銷苗鹽向祇徵正課銀兩免完雜課新章將綱食科則一律扯平苗鹽未便置之不議



所有派徵雜課爲數無多歸於綱食各岸按引攤完俾仍輕減其鹽卽給與請運楚鹽較多之商酌派帶運

咸豐二年湖南北經賊竄擾江路梗塞淮引不到南省鹽價每斤至八九十文或百餘文不等奏請借銷粵鹽由官辦運一面

飛咨兩廣總督迅借撥二萬引以應急需經部議準嗣因粵鹽

成本昂貴借引不行 三年部議以湖南湖北需鹽接濟是時湖北

借銷引鹽亦奏言成本太重 奏準仿明臣王守仁立廠抽稅之法凡川粵鹽

入楚無論商民均許自行販鬻不必由官借運惟擇楚省堵私

隘口專駐道府大員設關抽稅或將本色抽收或令折色輸納

均十取一二以爲定制並令四川廣東各督撫招徠商販運赴

鄰封此項鹽斤既不在本省引地銷售應令減半完交正課其商支外款不得絲毫攤派以輕成本 又準部咨湖南之榔桂等州向爲粵私浸灌若不講求抽稅之法鹽利歸私豈不可惜令卽妥籌辦理嗣又疊催迅速覆奏 五年湖南因江路梗阻奏請由兩淮運司設法採買淮鹽十萬引由浙河轉運湖南以濟民食淮楚分岸納課以濟軍餉戶部奏令楚浙兩省鹽茶互運以浙鹽十餘萬引運赴湖南易茶十餘萬道令兩省巡撫設法妥辦如一時難於籌款各先運二三萬引以後陸續繼運俟銷售後除去成本運腳各費餘銀著核實報部以備京餉及江楚軍餉之用

查咸豐六年湖南省城設立鹽茶局以江西道梗未能互運其淮鹽由浙運楚一層亦經浙撫奏明

停辦

六年奏言郴州宜章設卡抽收鹽稅每包百斤抽錢七百文旋準兩廣總督移咨言有礙粵課委員查勘已飭郴宜卡如查實係在粵納課之官鹽應免抽稅擬請仿明臣王佐正餘鹽引並帶章程正鹽一引免稅餘鹽六引收稅以杜借引行私部議令廣東湖南督撫和衷商酌定議辦理九年接準部咨湖南郴桂設廠抽稅宜推廣辦理如川淮各私鹽由湖北闌入者必由岳州一帶經過應於岳州府設局凡有私鹽仍照每百斤抽錢七百文其餘各府屬川粵毗連處所各設稅卡抽收無任偷漏

查南省自咸豐六年以後即於岳澧常辰永州各府州屬先後設卡抽收鹽稅奉文後即分別造冊報部

同治元年奏請將粵東之樂桂埠暫改淮南引地借運粵鹽以

濟本省防兵及兩江總督曾國藩東征軍餉俟江路通暢仍復

淮鹽舊章其事為兩廣總督所持經部議寢 二年準曾國藩

咨以金陵大兵攻克九洲長江暢行無阻亟應設法運銷淮

引規復舊制惟兩湖軍餉取資於川粵鹽釐者為數甚鉅未便

驟然禁絕定議加稅川粵鄰鹽每斤八文淮鹽亦令每斤完釐

九文半以充鄂湘軍餉並將刊定章程咨送查照 淮鹽運楚章程八條 第

一條泰州設招商局 江路通暢亟應重整淮綱本部堂先於

泰州設立西岸招商總局札委大員駐局經理茲接辦楚岸添

派大員併歸一局辦理湖甌每年定運六萬引照舊例以六

百斤成引分四季起運每季四萬引毋論官紳商富悉準赴局  
具呈認辦以五百引為始願多者聽少者不準掛號後限一月  
內領照開江逾限即將所掛之號注銷本部堂已刊三聯護照  
發交泰州總局由局填發以照根留泰州存查以中照給商護  
運以左照封寄漢口總局如有運赴湖南者在漢呈明由漢局

將左照轉送湖南總局 第二條兩湖設督銷局 規復引地  
以保價緝私為要本部堂札委大員於湖北之漢口鎮設立總  
局專理售鹽定價扣釐緝私等事鹽船抵岸掛號後按所到先  
後榜示局門挨次發售不準爭先壓後亦不準私相授受跌價  
搶銷兩湖所售之鹽已頒發庫秤連皮包過秤每百斤定價庫  
平足紋現銀四兩不準絲毫短少如銷市暢旺由局員酌量出  
示提價至銷滯之時仍於所提價內酌減至賤以四兩為止以  
保商本向有商販不至漢口即於下游武穴田家鎮漳源口等  
處發售應另於入楚境之武穴地方設立分局仍歸漢口總局  
兼管照章辦理至湖南應另設督銷局業經咨商湖南撫部院  
會委大員督辦准鹽入湘另增水腳每引四錢準於售價內扣  
出連加分半利銀六分一併給還商人沿途概不完釐統俟鹽  
到湘後由局員照章扣解 第三條四處截角查私 此次辦  
運改復綱鹽章程以六百斤為一引外加滴耗六十斤包索三  
斤半每引分裝八包每包連包索重八十六斤由泰抽查過秤  
將護票截去第一角運至安慶又抽查過秤截去第二角運至  
武穴又抽查過秤截去第三角運赴湖南者再由漢口抽查過  
秤截去第四角如有包外夾帶私鹽論本商及船戶水手均  
照販私例治罪各商亦應實給水腳銀錢毋稍尅扣免致水手  
帶私連累本商一經查出重斤照全船包數扣算將鹽充公嗣

後如無本部堂護照及未按卡截角者一概不準過卡如有偷  
 漏到岸即照私販拏辦其漢鎮及湖南設局之後所有在岸售  
 鹽毋論官運營運一律歸局發售係已完釐課之鹽應如何補  
 提餘利充餉由局員核明市價稟明辦理第四條加重鄰私  
 釐稅 湖南湖北均例行淮鹽近年為粵私川私路私侵占奪  
 我淮引之地應即重稅鄰私俾鄰本重而淮本輕庶淮商之獲  
 利較厚而鄰鹽亦可化私為官矣現咨兩湖總督部堂及湖  
 巡撫部院將鄰鹽釐稅加抽川鹽入鄂於荆州加抽釐錢每斤  
 八文粵鹽入湘於衡州加抽釐錢每斤八文其錢以五文歸兩  
 淮鹽政重引地也以三文歸鄂湘督撫重卡地也新章發售之  
 淮鹽由鄂湘督銷局另刊水程執照蓋用湖北湖南鹽道關防  
 填給水販護運鄰鹽發給稅單亦蓋鹽道關防如鄰私違抗不  
 領稅單擅行向係鹽務衙門專管應由總局委員將現開各行  
 至楚岸鹽行向係鹽務衙門專管應由總局委員將現開各行  
 造冊詳報如有欺商欠課得賄售私等弊隨時稟明拏究第  
 五條計算本利各款 棧鹽每引八包連正雜課暨鹽價在內  
 約本銀五兩五錢二分 又繳泰州局費銀一錢八分都營賞號  
 銀四分八釐 船江船商夥辛工棧租等費銀四兩四錢四分  
 二釐共計湖北成本每引約銀十兩一錢九分正鹽六百斤漢  
 局售價銀二十四兩除每引由楚局扣存釐稅銀十一兩九錢

八分楚局公費銀三錢外餘銀給還商本銀十兩一錢九分給  
商一分半息銀一兩五錢三分共銀十一兩七錢二分交商具  
領以利續運其滷耗包索餘斤均準貼商以廣招徠如遇暘銷  
之時提價至四兩以外者所增之銀以三成給商七成解安慶  
糧臺至於商人自用之外小費在秦州具呈時應繳局費銀一錢  
八分到岸後船戶坐日等項均係商人自行理落其售鹽時挑  
力等費出自水販一預先說定各無爭競凡經本部堂核定  
數目如有私加及書役人等需索分文準商販稟明嚴行懲辦  
湖南成本每引加四錢六分給商餘俱照辦 第六條補完各  
處釐金 近年各路軍營皆賴抽釐濟餉如揚州大營鎮江大  
營金陵大營江南北水路各營所設之卡皆以鹽釐為大宗此  
次整頓准綱斷不能仍完逐卡之釐而各營需餉甚急又斷不  
能失此有著之款應令於初次起運暫緩完釐湖北之鹽俟到  
漢岸售銷之後由漢局彙總扣出釐稅銀每引十一兩九錢八  
分內應派楚釐銀四兩二錢每斤九釐交湖北牙釐局又應派  
揚鎮軍營釐銀每引一兩二錢又沙漫洲糧臺釐銀每引三錢  
二分均解交揚州糧臺又九江關稅銀每引一錢四分解交九  
江關道又安慶各卡每引銀二兩九錢七分解交安慶牙釐局  
分解各營漢局所扣釐金除分派外尚餘銀三兩一錢五分應  
解安慶糧臺湖南之鹽僅由湖北經過湖北不能全收九文半

之釐應以二文半歸鄂以七文歸湘其餘悉照湖北之例由湘  
 局彙總扣出除分解鄂釐及各軍外尚餘銀二兩六錢九分亦  
 解安慶糧臺其餘李軍門通江關釐卡業經另籌抵款江寧府  
 楊守礮船釐金業經另文停止至各軍應分之釐祇有初行時  
 略為展緩以後源源解還不致有誤第七條商運官運畫一  
 本部堂現定新章程重在商運期復綱鹽規模毋論官運營  
 運總應與商販一律辦理不得絲毫取巧亦不得再立營運餉  
 鹽名目至各營有藉食鹽為名私自下場採買希圖不完釐課  
 即與私販無異現已通行出示禁止如敢違犯毋論何營員弁  
 查出一律嚴辦第八條沿途並無艱險自克復九洲後  
 長江一律肅清商船暢行現飭沿江水陸各營及沿途關卡凡  
 新章准鹽經過驗明護照一體放行並辦礮船護送不得需索  
 分文畱難片刻其儀徵九洲中關等處由金陵大營會巡撫  
 部院特派文武大員催儻防護可期暢行無阻如有雇船不慎  
 斤兩有虧係各商照料不周毋得藉口短斤希圖減釐倘有遭  
 風失水情事準其報明地方官勘詳一面申送秦州總局補運  
 準免釐金一半如無地方  
 官勘明切結不準請補

三年南省設立督銷准鹽總局由

會國藩札委大員駐局會同鹽法道衙門辦理並奉札行湖南



爲淮鹽引地被川私粵私侵占淮鹽久不到湘幾成廢岸現經  
刊定新章招商辦運先由官運爲之倡導均照商運規矩一律  
辦理將湖南解存金陵米價銀十萬兩內先撥銀六萬兩解交  
泰州招商局查照刊章就棧買鹽委員押運前赴湖南歸督銷  
局銷售又於漢口另設轉運淮鹽局凡有淮鹽運湘事宜由局  
員妥爲料理湖南督銷局詳定官運湘鹽赴各岸分銷章程  
湘潭又次之長沙靖港又次之岳州又次之五分立五局設法  
分銷如官鹽到漢口五船即派撥分運五岸岳岸不必過湖常  
德由東湖前往益陽由林子口前往長沙靖港湘潭皆分別撥  
往以免水路迂繞設或此岸陽而彼岸存鹽尙多準由省局知  
會改撥一各岸存鹽銷鹽由各該鹽行逐日呈報各分局所  
有鹽行繳課解課均按五日轉報省局備查仍由總局彙總按  
月呈報一各分局銷課均按月解交省局積有成數即派礮  
船解泰州轉輸辦買壩鹽源源運湘多運一引之鹽即多籌一

引之餉 一湖南新造船隻多願裝運淮鹽而揚州人地生疏  
 如有自願領鹽即由省局隨時議定水腳發給公文咨明泰州  
 湘鹽局直赴泰州領鹽沿途照章查驗運湘交鹽其船脚均由  
 省局找清無須在泰在漢岸支發 一官運湘鹽實以淮南引  
 地最遠商運不到暫作倡辦並為籌濟軍餉之計現在官運既  
 到如辦理得法凡米商茶商及遠近紳富必多不召自至惟赴  
 揚辦鹽情形不熟採訪輿論多願以鹽價課項先行呈繳督銷  
 局彈收解送皖局轉解泰局照銀數引數給文移咨泰州湘鹽  
 局聽該商自願船隻赴泰州照數揀選上色鹽捆掣交該商船  
 給領如能接踵請運則淮鹽引地課賦可期漸復 一川鹽粵  
 鹽遍地皆是現在淮鹽到岸甚少應仍準一體銷售惟官私漫  
 無分別釐課均易透漏嗣後各路銷鹽如不歸局歸行私相交  
 易者均以私論責成各行辦理 一兩淮鹽務與釐務不同應  
 請暫由鹽道總查隨時通報俟淮引兩淮鹽務專責督銷考  
 核 一淮鹽到岸必須設法暢銷庶回課速而轉運多銷暢運  
 速按引酒攤岸費亦輕較之鹽滯船攔課絀而岸費愈重相去  
 懸殊查漢口居湖北各屬之中祇須漢岸設局便能握要若楚  
 南之岳常長湘則湖河紆轉四處皆有川粵專販碼頭斷不能  
 禁川粵商之不到若不就便分局與川粵販相當不但官運不  
 能暢銷且兩淮引地豈能置之不顧况新章之商運釐金岸費

其勢亦難以追繳然局雖分設而費宜從儉必較漢口各岸不致多糜方為盡善至跌價搶售大為鹽法之害現議湘運無論官鹽商鹽均由本局定價經行發售不準絲毫減跌以歸平允先行出示曉諭如不經行歸局即以私論隨時指拏究罰倘各該行徇隱不舉甚或通同作弊均即分別懲治一此大官鹽到岸遵照章程由局定價輪銷必須分清先後每船到岸即赴局報明由局發給桅封

張貼聽候挨次輪銷  
五年督銷局以商販請引所定號數

不敷分給詳請兩江總督李鴻章嗣後請運湘鹽各商令在湖南總局掛號掣籤

湘岸掛號掣籤章程  
一湘岸掛號將上年

已經收銀及帶資赴揚各商歸入本年春綱

提前掛號掣籤其餘概令繳清每票成本庫平足色銀三千兩並預納者均引釐銀一兩方準掛號掣籤如有繳銀不足及用銀

崇交納者均不開掣其下綱六萬引先繳預釐存記候挨號給咨時再令挨次繳清成本彙解如屆時繳銀不足者即將該商名號註銷以杜虛估空號之弊一商人有業經呈明自將成

本赴揚守候給引者應由本局咨詢揚州轉運局查明銀船如已到揚即由轉運局驗收咨覆方準提前掛號否則即將某號註銷至各商已請之引多寡參差應均勻配齊五百引為一票

共計提前票若干即扣第一籤起至幾籤止提前另行掣定先

後以防爭競一掣籤前一日先將各商姓名分別填籤彌縫

為名籤又將每五百引為一號填籤彌縫為號籤凡號籤以商

名多寡為斷每網計一百二十票如商名有一百四十號即多

備空號籤二十支餘俱依數遞加屆掣籤日在鹽道衙門大堂

將彌封之名籤號籤當堂令各商看明彌封紙色及木籤長短

是否畫一方分兩筒以一筒裝名籤以一筒裝號籤入筒以後

再行攙和將兩筒分東西兩岸由本局司道會同鹽道抽掣當

堂坵視令書吏高聲報明某商掣得第幾號籤某商掣得空籤  
隨即填冊並出榜曉示庶幾共聞杜絕弊混一各商掣  
得空號者即於掣籤後當堂具領將成本釐金原銀點驗發還  
一湘岸認引既歸湘局掛號如有商販在揚請引者概不準  
行方歸畫一但利之所在務期公溥方足以服商情現今本局  
酌議寬為定期於五月初一日先掣上綱六萬之籤其未經掣  
得者另期續開下綱照前籤掣一面分別詳咨查照一面出示  
曉諭俾遠近商販一體周知屆期繳完現銀者一律準其籤掣  
以昭公允一商販在湘繳銀除成本及釐金外所有都營賞  
號及局費各款銀兩均令於赴揚領票時呈繳以免輾轉膠轕  
一掣定之號酌定二十號為一批按照籤掣次第解銀赴揚  
分給原商辦運每批令本商各派妥人隨同起解另派礮船沿

途護送 一湘岸距淮甚遠承運各商總以銀船到揚挨次由

揚局發票買鹽以免遲誤至到湘行銷仍以船到先後挨輪不

得攙越 一本年上下兩綱掣定之後不復再招新商至 七

來年開綱時只令本年兩綱及乙丑冬綱各商循環給運

年調任直隸總督曾國藩奏準禁止川私行楚收復淮南引地

以復舊制並經部議粵私人湖南郴桂等處咸豐六年由部奏

令設局抽稅現在票潞川私次第停止所有郴桂等處抽收粵

私應令湖南巡撫查明奏請一並停收嚴行諸禁不準再行入

楚以歸畫 一曾國藩請禁川私人楚收復淮南引地疏淮鹽逆

船笨載重計自瓜洲開行非四五箇月不能達鄂非六七箇月

不能達湘偶遇暴風山磯立時淹消巨萬本銀悉歸烏有川鹽

則自川江順流而下勢等建飯雜用小船靈便異常計程途則

淮遠而川近論舟行則下易而上難此運道之捷於淮者其害

一也淮南之鹽以餘東呂四兩場為通場之冠俗所稱餘呂真

梁者也從前暢行楚岸其鹽色之潔由於商力充足本年所產

月有通示 卷五十一 食貨二 鹽法

七

之鹽堆至次年始行開售堆愈久則滷愈淨近年垣商疲乏隨  
 收隨售鹽色不無稍減川鹽則自行楚以後廣開井竈其色甚  
 白其質甚乾川販因之而居奇淮岸因之而日廢喧賓奪主莫  
 斯為甚此鹽色之勝於淮者其害二也淮鹽定章以五百引起  
 票係有鑒於道光末年改辦票運不拘引數聽商稟認厥後承  
 辦數千引之大販皆為一二十引之小販搶運所誤故新章定  
 以限制一以杜無本冒充之弊一以驗有力承運之資計請鄂  
 湘引票五百引非現銀七八千兩不辦川鹽則計斤不計引集  
 資數百千即可辦運鹽皆散裝既官私之莫辨釐不預納亦來  
 去之自由此籌運之巧於淮者其害三也鄂湘兩局售鹽皆以  
 到岸之先後定出售之遲速鹽未到輪不準搶賣近數年來銷  
 雖極疲而商未跌價深得整輪之益但在船守風抵岸守輪計  
 一檔之鹽非一年之久不得脫銷川鹽到處可售得價即賣銷  
 路廣則窮鄉僻壤遍地皆私賣價輕則鋪戶行家非川不鬻此  
 籌銷之便於淮者其害四也有此四害淮何能  
 與川敵川鹽一日不停淮鹽一日無賜銷之望

八年奏明湖

南榔桂等處設卡抽收粵鹽釐稅原以彼處係粵引應行之地  
 隨在可以浸灌若遽停收恐成本愈輕私販愈重轉為官引之

累現在湖南援黔各軍需餉甚急未便失此有著之款部議郴  
桂鹽卡暫時無庸裁撤照舊抽收以濟軍餉至衡永各屬向係  
淮引地方宜如何查緝粵私必須妥籌辦理應令湖南巡撫督  
同鹽法道及督銷淮鹽局遵照舊章實力查察又戶部片奏  
郴桂運鹽其地走私最易並恐客貨暗中夾帶令湖南巡撫委  
員嚴查堵緝初設局時粵省曾有發給小票便於稽查之議應  
令廣東督撫將如何發給照票可以稽查實在數目會商湖南  
巡撫妥爲辦理是年又因疊準兩江總督咨會堵禁川粵私  
鹽停止隣鹽釐稅奏明湖北荆宜等處現方配銷川鹽八成其  
鹽易泛濫於湖南境地歷年設卡抽釐價值與淮鹽不相上下

若概停其釐稅轉恐洒賣益多兼慮堵截難周餉源因之日竭  
關係匪淺至粵鹽一入湖南境內所在浸灌亦與川鹽相同請  
仍照舊章加抽川粵釐金飭局卡委員認真巡察凡販售川粵  
鹽查無釐金照票者卽以私論經部議準 九年因湖南上游  
粵私盛行緝不勝緝奏請永寶二府改食粵鹽由官設局每年  
試運十萬包以補淮課而濟軍餉仍畱衡州一府待復淮綱俾  
免浸灌長岸次年經兩廣總督瑞麟兩江總督曾國藩力陳其  
不可並經曾國藩奏明川鹽侵楚太甚請由部核定淮川分銷  
數目川鹽至多不得滿四成令湖廣總督力籌疏銷淮引部議  
應由兩江會同湖廣四川各督撫妥擬章程奏明辦理 十一



年兩江總督曾國藩湖廣總督李瀚章覆奏楚岸淮南引地暫  
畱川鹽分界行銷議準湖北武漢黃德四府專銷淮鹽不準川  
鹽侵越尺寸荆襄安鄖荆宜五府一州暫準川鹽借銷仍由淮  
商就中酌設子店撥售零引每引酌減鹽價一兩二錢並應講  
求緝務整頓鹽色湖南岳州常德澧州三屬近銷川鹽岳州係  
通省會門戶常德係入辰沅要津均爲淮鹽緊要口岸專歸淮  
銷惟澧州與荆州相近川鹽運往路捷價輕暫行分與川銷應  
令湖南巡撫督飭鹽道再派妥員認真經理毋令川私稍侵淮  
界至澧州一屬應否分銷淮鹽俟湖北荆襄等處將分設淮店  
一節辦有端倪再行查照辦理 十二年湖廣總督奏停川稅

以澧州借歸川銷飭將花畹岡川鹽稅卡裁撤嗣奉部覆仍應照章抽收遂將舊卡復行設立凡川鹽運澧每斤抽收稅錢三文派撥礮船二艘並暫撥勇丁四十名駐卡彈壓

額引

湖南惟郴桂二州屬及衡州府屬之酃縣例食粵鹽其長岳等九府一廳二直隸州俱食淮鹽向來額銷二十二萬三百一十六引後因行銷暘旺嘉慶二十一年戶部咨準每年以三十七萬引作為定額按各州縣歲銷額引均勻增派旋經兩淮鹽政道光十一年始裁鹽政缺會同兩江總督奏明仍照舊例通省融銷其溢銷之引歸入北省核計又向遇暘銷之年預提下綱引目二十萬

道令南北兩省分銷又均勻融銷江都甘泉積引後來嵯務疲  
敝銷數極滯中間累經整頓道光三十年淮南改行票鹽湖廣  
原額七十七萬六千六百六十三引減折實運六十萬九千六  
百九十九引江甘融楚原額一萬三千三百五十五引減折實  
運一萬四百八十四引永順永綏原額三千二百七十一引減  
折實運二千五百六十八引其南北兩省各應銷鹽若干未經  
分別減折每年實銷若干亦難按地確計咸豐間淮運中梗南  
省盡食川粵隣鹽同治三年長江道通規復淮鹽引地湘岸歲  
運八萬引四年加增四萬引合共十二萬引嗣由平江商人先  
後稟請歲運碱鹽一萬九千八百引專銷平江一縣是爲平岸

其鹽即歸入十二萬引之內七年復由商人稟請於十二萬引外另運碱鹽一萬二十引專赴辰河以上銷售

加飭

淮鹽一引初運係二百斤雍正間定為三百四十四斤乾隆十三年六年兩次奏加二十斤嘉慶十年奏加十斤道光七年復加十斤外有例給暑耗十六斤統計四百斤三十年奏定新綱每引六百斤內係加帶乙未綱鹽二百斤外加包索滷耗六十斤共六百六十斤咸豐二年奏減仍以四百斤成引以出場之六百大引作為引半同治三年淮鹽運楚改復新綱章程

行銷口岸

南省行銷淮鹽向由商人領引綱運分裝子包及運抵漢口水  
販向岸商售買領執水程轉運赴南省各口岸分銷同治三年  
省城設立督銷總局大西門外設立分局旋次第於靖江湘潭  
益陽常德岳州津市新市平江辰州各設督銷分局又於湘鄉  
華容新化等處添設分局行銷事宜歸局經理淮川分界之後  
將津市分局裁撤

### 鹽價

雍正元年湖廣鹽斤革除陋規每包減價六釐價賤時每包以  
一錢一分九釐爲率價貴每包不得過一錢二分四釐安鹽再  
減二釐乾隆五年部定每包一錢四分六釐二十九年奏定每

包二錢三分一釐五十三三年奏定每包二錢八分九釐作爲準則以後俱照五十三三年定例每包並原額餘息及前此三十六年之例梁鹽每斤增價二釐每包三錢一分五釐五毫安鹽每斤減價二釐每包二錢八分三釐五毫其水販運至長沙每包加運費銀四釐嘉慶十三年每包成本並原額新舊加增餘息合價銀三錢九釐一毫道光四年衡鹽減價敵私時漢口梁鹽每包三錢二分五釐六毫安鹽二錢九分二釐六毫衡州係運潔白梁鹽照減一分二釐實售銀三錢一分三釐六毫三十年新章楚鹽六百斤成本八兩三四錢每斤約一分四釐同治三年以後鹽價詳見淮鹽運楚章程

鹽課  
釐

淮鹽行楚徵課納稅支銷一切事宜均歸兩淮鹽運使經理向  
來湖南額引二十二萬三百餘道每年征收課銀六十八萬餘  
兩並融銷湖北引鹽共課銀約在百萬兩內外同治三年設立  
督銷總局抽收釐稅原定每引鄂釐一兩一錢五釐湘釐三兩  
九分五釐計每引收釐四兩二錢四年減湘釐一兩八錢共收  
湘鄂釐二兩四錢十一年每引又各勻減三錢收鄂釐八錢五  
釐湘釐九錢九分五釐又初章每引派揚鎮軍營釐銀一兩二  
錢沙漫洲糧臺釐銀三錢二分安慶各卡銀二兩九錢七分安  
慶糧臺銀二兩六錢九分計每引共扣釐稅銀七兩一錢八分

四年減去三錢又減去一兩二錢七年減去一兩十一年減去  
六錢共減三兩一錢每引收釐稅銀四兩八分淹消之鹽祇完  
半釐

### 緝私事宜

南省巡鹽口岸惟衡州府屬之耒陽常甯安仁三縣與例食粵  
鹽之郴桂所屬連界粵私易於透漏兩淮鹽政歷委卡商三人  
於耒常仁三縣設卡駐劄並於各要隘設立水陸塘卡二十三  
處巡役一百九十八名專司堵緝後因衡州府界連例食粵鹽  
之郴桂二州閒有奸徒將粵東紅鹽透出耒陽河口及招源河  
至泉溪市等處煎熬假充淮鹽販賣又由永州府大河載出粵



西私鹽直達衡州府屬分浸湘潭等處又寶慶府與廣西全州連界私梟由大茅嶺至大埠頭浸及寶慶府屬之邵陽等州縣並蔓延沅州府靖州又由永州府陸行至花橋鋪灌入邵陽等州縣又由衡州草河過渣江烝水浸入邵陽又永順府與例食川鹽之施南府來鳳縣接壤私販將川鹽背入龍山縣過永順府至澧州所屬之永定安福等縣充溢澧州又辰州常德二府均被川私由來鳳縣陸行至卯崗上船過龍頭司及保靖沅陵桃源武陵等縣出澧州之匯口入觀音港蔓延津市經鹽法道議請轉飭各府州於私販經行之耒河口招源河大茅嶺大埠頭花橋鋪草河渣江烝水龍山卯崗等處扼要設立卡房巡船

就近派委員弁兵役查緝乾隆五十五年於永州府屬東安縣之石期市零陵縣之冷水灘桂陽州屬藍山縣之藕塘鋪郴州屬永興縣之柳州灘衡州府屬之常甯河口耒陽縣之阜頭街等六處增設巡卡並咨會永州鎮每處委千把一員帶兵六名三月一換輪替駐緝五十八年又於衡州府屬常寧縣之秧田墟增設巡卡並委弁兵駐緝又由湖廣總督派委遊擊都司並文職丞倅來南駐劄永興縣屬設立專卡堵緝粵私按年輪換道光三年於應畱應裁案內鹽法道議請將衡州府屬常甯縣之柳灘一卡裁撤改移焦源河口常甯河口大卡及裏河小卡改於永州府屬之白水河設立並於白水設立旱卡又辰州府

爲川私出沒之地議於辰關設立專卡均派委員弁帶領書役  
兵丁船隻駐巡按年年一換此外如耒河口阜頭街秧田墟冷  
水灘石期市藕塘鋪舊設各卡均同一律其冷水灘石期市二  
卡並派文職二員衡州耒河總口係堵緝粵私要隘向委文員  
會同衡州協帶兵駐巡後以衡鹽歸官運銷改由衡通判募役  
二十名設卡會營查緝將文職委員裁汰所有焦源河口茶陵  
河口草橋河口堵緝事宜各仍其舊惟將三卡商巡裁撤由官  
添募巡役以資躡訪其焦源茶陵兩卡另派誠實家丁一名駐  
卡督巡惟相離較遠之阜頭街秧田墟仍照舊派委營員巡緝  
由衡通判隨時稽查至衡州以上永州府屬之白水河卡白水

旱卡冷水灘石期市藕塘鋪卡通共五處係杜隣私由承入衡門戶倘卡巡堵緝不力任梟販闖入衡屬境內許衡通判稟報立將駐卡文武嚴參究辦如衡通判玩縱偷越亦許下游州縣據實稟報一並參究三十年責令鹽道前赴衡州督同常寧等縣會營查拏其耒常安三縣所設商卡緝私不力改歸官為經理淮川分界之後凡常澧岳華近川之處均設有水旱卡巡勇礮船由各督銷分局督飭扼要緝私另派參將一員帶礮船十艘分駐常德府屬之西港南津一帶堵截私船又會同湖北督銷局於岳州府屬臨湘縣之鴨闌磯復設緝私鹽卡由局派撥礮船十艘並稟請湖南巡撫飭派選鋒營礮船五艘巡防營

早勇二百名暫往分駐各岸堵遏川私又於衡州府屬衡山縣之石灣設立緝私局扼堵粵私清泉縣之東洲縣之大陂市各設分卡抽收粵稅向來緝獲私鹽由縣通詳緝審所獲鹽斤交商照依官鹽市值變價年終解鹽法道彙移運庫充餉同治三年兩江總督通飭各卡查出包內重斤定章照全船包數核算其應提若干斤改由局員在於票內註明加蓋關防知照各督銷局及大通招商局照提變賣充公其包外夾帶私鹽由卡起鹽批解楚西大通三局變賣充公並提給搜獲之卡充賞

湖南郴桂二州八縣及衡州府酃縣食粵鹽舊矣行銷事

宜隸廣東運使管理故舊志不列然十一州縣固楚屬闕之非宜稽厥志乘可採而輯也鹽政首引課而桂陽州志不備載今據廣東省志補入藍嘉兩縣志引課略具矣而與廣東省志不符附錄之以備參考

郴州永興宜章興甯地近廣東韶州府樂昌縣例食樂昌西河埠鹽桂陽桂東鄱縣地近韶州府仁化縣例食仁化城口埠鹽桂陽州臨武藍山嘉禾地近廣東連州例食連州星子埠鹽向祇食鹽而不分引康熙七年粵商攀認引目偏沅巡撫周召南具題極陳民困獲免僉商分引嚴飭楚屬緝私疏銷未幾更定考成郴桂八州縣派銷六千五百餘引惟桂陽桂東鄱縣得不

與康熙十一年粵商妄控桂臨藍嘉四州縣八九十三年末銷引八千三百五十餘道積鹽至一千八百七十萬六千餘斤夫鹽課盈縮關有司殿最自順治十六年後桂陽牧令獲咎去位者相踵至是而知州及三縣令又以不力解任埠商名銷官引實多售私課引之疏壅任其操縱或完或欠楚官吏不得過而問焉縱冀免參罰惟拱聽而已連商以負課多欲卸過楚屬知州袁繼善廉得其弊出不意躬往會同連州官厯星子埠連州次第按驗並商人所報悉數不及千引粵商大窘繼善歸具文通詳維時郴屬亦以額引缺銷奉部查議於是楚粵兩巡撫合疏以郴桂八州縣戶口銷耗爲解迺援他府例請計丁派引部

議減引爲一千五百四十六道桂陽屬六百五十道有奇郴屬八百九十一道嗣是巡撫韓世琦每十加一後復遞有加增遂爲今額康熙四十五年粵東革除總商令各招土商自運桂陽官民遂有復埠改運之議矣始粵鹽盛時立埠臨武之牛頭市牛頭於四州縣適中地也埠廢而州屬食鹽皆由小販赴連州星子肩運道路險遠所費不貲牛頭距縣城才三十里溪水通舟遠達韶郡近抵邑之南關改由樂昌河運到埠銷售於民甚利而郴屬官商以同運未便持不可知州伍士琪集兩州八縣會勘定以郴運爲先桂運次之隨時按引查驗其事始輯乃於牛頭立總埠水東分埠曰桂臨埠州與三縣民皆食其利郴州



永興宜章各設子店志載弗詳興寧則自康熙四十五年邑人  
段瑚連設埠東江市後以引滯納課難遂罷雍正七年郴州會  
同樂昌縣詳定五埠通銷越二年復立人和埠於南鄉今亦久  
廢自粵寇擾臨境而牛頭水東兩埠商悉罷去盡矣

郴州正改勻引一萬一千四百九十二道四分二釐正餉銀一  
萬一千四百兩八錢一分二釐永興縣正改勻引九千五百六  
十四道二分一釐正餉銀九千四百八十七兩九錢七分五釐  
宜章縣正改引六千九百八十三道八分九釐正餉銀六千九  
百二十八兩二錢二分八釐甯縣正改引七千三百道七分  
二釐正餉銀七千二百四十二兩五錢三分三釐桂陽州正改

增引九千四百三十六道六分額徵餉銀九千三百八十七兩

九分五釐據廣東通志臨武縣正改引九千二百四十三道六分四

釐正餉銀九千一百九十五兩五分二釐藍山縣新舊額引四

千六百四十道新舊正餉銀二千四百九十九兩七錢七分六

釐廣東省志正改增引五千三百七十二道六分嘉禾縣額引

四千三百三十道七分正餉並餘費銀四千三百七兩九錢七

釐縣志未經區分正餘廣東省志正改增引六千七百以上八

州縣額銷之鹽除正引外尚有應銷加配耗鹽育嬰堂鹽其課

銀均有雜費各款每引鹽二百三十五斤合大包一包半餘一

十斤每包計重一百五十斤合小包四包餘三十五斤每包計

重五十斤九百五十引爲一封

湖南通志卷五十六

月南通志

卷五十六

食貨二

鹽法